

سرى للغاية

محضر اجتماع اللجنة التنفيذية العليا للاتحاد الاشتراكي العربي

القاهرة، مقر الاتحاد الاشتراكي العربي في ٢٣ يناير ١٩٦٧

سعت ١٨٤٥ الى سعت ٢١٤٠

الحاضرون

مجلس الأمة، صبرى، نائب رئيس الجمهورية والأمين
العام للاتحاد الاشتراكي العربي، سليمان، رئيس الوزراء،
عبد المحسن أبو النور، نائب رئيس الوزراء للزراعة
والرى

الرئيس جمال عبد الناصر .
عبد الحكيم عامر، النائب الأول لرئيس الجمهورية
ونائب القائد الأعلى للقوات المسلحة، محى الدين محى
الدين، نائب رئيس الجمهورية، أنور السادات، رئيس

سرى للغاية

محضر اجتماع اللجنة التنفيذية العليا للاتحاد الاشتراكي العربي

القاهرة، مقر الاتحاد الاشتراكي العربي في ٢٣ يناير ١٩٦٧

سعت ١٨٤٥ الى سعت ٢١٤٠

عبد الناصر: إحنا مش جاهزين قوى للموضوع يا عبد المحسن؛ ولهذا فالموضوع حياًخذ عدة جلسات.

أبو النور: هو يحتاج يعنى.. تحب سيادتك تشوف عمليات الاستصلاح وبعض مشاكلها، وبعدين ندخل فى عملية طريقة الاستفادة من الأرض الجديدة، ولا ندخل فى طريقة الاستفادة من الأرض الجديدة على طول؟

عبد الناصر: لأ.. نتكلم فى الاصلاح برضه.. الموضوع كله.

أبو النور: هو من ناحية الاصلاح، باقول إن احنا قدرنا نحقق استصلاح ٧٣٤,٨٠٠ فدان منذ قيام الثورة حتى الآن؛ لأنه كانوا ٧٨,٠٠٠ فدان فى الفترة من أول الثورة لغاية بداية الخطة الخمسية الأولى. وإن دى بتعتبر قاعدة اقتصادية كبيرة واشتغل فيها عدد كبير جدا من الفنيين، قدرنا نخلق جهاز للاستصلاح كبير وقادر على إنه يعمل فى عملية استصلاح الأراضى بكفاءة، واكتسبنا الثقة بالنفس فى هذه العمليات بتاع استصلاح الأراضى. لكن بالرغم مما تم فى عملية استصلاح الأراضى شايها عديد من المشاكل التى كانت تقابلنا أولاً بأول، فبالرغم من أننا كنا عاملين برنامج متكامل؛ لأن استصلاح الأراضى يتدخل فيه كثير من القطاعات الأخرى؛ منها الكهرباء والرى والتشييد وخلافه من الخدمات.

وبالرغم من أنه كان فيه جداول تنسيق للعمل وفيه لجان تنسيق ومتابعة مستمرة؛ فبالرغم من هذا لأسباب كثيرة كان بيتخلف بعد بداية العمل بعض هذه الأعمال اللى بتتسق مع بعضها؛ بعضها نتيجة قصور فى بعض الاعتمادات المحلية، وبعضها قصور فى بعض اعتمادات النقد الأجنبى، وبعضها قصور فى أجهزة التنفيذ نفسها على أنها تتكامل أو تعمل فى جهد واحد؛ بحيث إنها تنتهى فى المواعيد المحددة بالبرامج. لأن بعد ما بنبتدى من الصعب إن احنا نرجع نقف، فعلشان ما نصلحش أرض ونسيبها بدون استغلال؛ فكنا بنعمل بعض حلول مؤقتة الى أن تتم الحتت التى تخلفت. فمثلا بعض محطات صرف كانت بتتخلف؛ لأن التعاقدات عليها أخذت وقت طويل، فعلى أن تأتى محطاتها أخذت وقت أطول مما كان مقدر. وبعضها أن المباني التى تنشأ لمحطات مثلا تتأخر فى عملية الإنشاء، فبتكون نتيجة هذا وعلشان نستغل الأرض، إن

سرى للغاية

إحنا نعمل محطات مؤقتة نستخدمها فى زراعة هذه الأرض بصفة مؤقتة الى أن تتم المحطات الأساسية؛ سواء كان هذا فى محطات الري أو فى محطات الصرف. فى بعضها أيضا.. مشاريع الري العامة كانت بتتأخر فى إمداد المنطقة بالمياه بعض الوقت، فكنا بنأخذ من مياه المصارف وبنعمل أكثر من مأخذ لهذه المناطق وبنستزرع لغاية ما يتم العمل العام ده، وبعضها كنا بنعمل له بعض المحطات الحرارية للكهرباء لغاية ما يأتى لها شبكة الكهرباء. وبعضها كنا بنصرف إحنا طرق برضه علشان توصل للمنطقة لأن كان فيه استحاله أن نصل الى هذه المنطقة دون أن نرصف بعض أجزاء من الطرق علشان خصوصا فى المناطق الشمالية فى الشتاء. وبعضها كنا بنضطر لما نعمل إحنا محطات مياه الشرب؛ لأنها كانت بتتعرس لما بتركها وما نقدرش نقيم حياه فعلا فى هذه المناطق.

كل دى يعنى عملنا لها طول وقدرنا نبدى فيها، عدا مساحة ١٦٧,٠٠٠ فدان هى فعلا المساحة التى لم نستطع أن نعمل لها حلول مؤقتة، وظلت منذ السنة الماضية حتى الآن لسه واقفة على بعض خطوط الكهرباء وما وصلتش، أو على بعض محطات الري بتنشأ لها، والخطوط بتمشى ومحطات الري بتمشى ولسه ما انتهتش لغاية النهارده، وحاييجى بيانها بالتفصيل؛ هذه المناطق من الأشياء الللى تعبتنا فيها عملية تعمیر المنطقة.

عامر: لها مياه جاهزة؟

أبو النور: لها مياه جاهزة؟ هى جاهزة بالكامل، تعمیر المناطق مشى بخطى بطيئة جدا نتيجة إن كان هناك ضغط على شركات الإسكان فى الفترة الللى قبل السنة الللى فاتت. كثير من الأعمال كانت مسنده اليها وأكثر من إمكانياتها، فكانت النتيجة إنها بتستسهل وما بتروحش للمناطق، الللى هى مناطق استصلاح بعيدة وفى مناطق مافيهاش طرق كافية، فكانت بتتعبها فى الذهاب إليها، فمماكانتش بتروح وكانت بتهمل عمليات الإسكان اللازمة لهذه المناطق؛ فبقيت عمليات الإسكان ممكن بالثلاث سنوات وبالأربع سنوات علشان تنتفذ. اضطرنا هذا الوضع الى إننا ننشئ شركة؛ شركة المباني الريفية فى نفس القطاع، وقامت شركة المباني الريفية من السنة الللى فاتت فعلا بتنفذ قى حوالى ٢,٦٠٠ بيت، أخذها من الإسكان لما أوقفوا عمليات المباني.

سرى للغاية

بعض المشاكل الأخرى اللى هى مياه الشرب، جزء كبير جدا من هذه الأراضي فى مناطق شمال الدلتا، ومش من السهل إن احنا نعمل عمليات مياه ارتوازية لأنها كلها مالحة. وفيه جزء كبير إحنا بنرويه من مياه المصارف، فمن الصعب جدا على الناس اللى بتقيم هناك إنها تشرب. إحنا كنا عاملين لها خطوط مياه، لكن فيه مشاكل فى إمداد هذه المناطق بالمياه؛ لأن المحطات العامة ضعيفة بالنسبة لإمداد القرى اللى فى السكة أو لإمداد بعض المدن التى تأخذ من هذه المحطات؛ مثل شربين وكفر الشيخ وخلافه. فكانت النتيجة إحنا ما بنقدرش نأخذ مياه شرب لهذه المناطق؛ مما أتعب عملية الإقامة فى هذه المناطق لدرجة كبيرة؛ لدرجة إن احنا كنا بننقل المياه للمقيمين هناك بالفناطيس، فى وقت الشتاء كنا بنتعب آخر تعب علشان نقدر نوصل لهم مياه شرب.

كل هذه العمليات طبعا كانت بتتسم بالصعوبة فى إمكانية استغلال هذه الأرض لأكبر جهد. يعنى السيد رئيس الوزراء لما مر معنا فى آخر مره شاف المهندسين وشاف الناس قاعدة فى خيام فى مناطق فى منتهى الصعوبة الإقامة فيها؛ حتى مياه الشرب إحنا كنا بنعطى ساعات سواق الفناطاس ٥ جنيهه علشان يوصل فناطاس المياه علشان الناس تقدر تمشى فى الفترة اللى بينزل فيها مطر بشدة، والطرق هناك غير مرصوفة فكانت العملية شاقة للغاية.

إحنا زى سيادتكم ما أنت فاكر كنا بنبنى زمان على أساس بيت لكل خمسة أفدنه، وبعدين لما عرض على اللجنة التنفيذية العليا قلنا بيت لكل ١٠ فدادين؛ عدلنا على هذا الأساس. وبعدين لما بدأنا الخطة الخمسية الثانية وجدنا الاستثمارات كثيرة، قلت عايزين نقلل على قدر الإمكان وبكل الاستحسان نقدر نستحمل للغاية ما نقدر نزرع هذه الأرض ونأخذ منها ربيع، وبعدين نبقى نتوسع. فعملنا مبدأ إن احنا نعمل بيت لكل ٢٠ فدان مع معسكر للعمال أصلا هو بيبقى بتاع مخازن - تبنى على أساس مخازن - بيستخدم فى الفترة الحالية على أساس إقامة للعمال للغاية ما تتطور المنطقة ويبقى نتوسع فى عملية الإسكان، وده مشينا فيه فعلا على هذا الأساس.. ده العملية بالنسبة لعملية التعمير.

كان أحد المشاكل الأخرى.. الأيدي العاملة؛ لأنهم ما بيلاقوش أماكن علشان يقدروا يقيموا فيها. وبعدين نتيجة العمليات الكثيرة أو الاستثمارات الكثيرة الموجودة فى الدولة مع التمليك بالنسبة للإصلاح الزراعى مع وجود فرص عمل لعمال الزراعة فى مناطقهم التى يقيمون فيها أصلا وبأجور معقولة فى غالبية أيام السنة، جعل عملية الحصول على أيدي عاملة لهذه المساحات الواسعة صعبة جدا، أعداد محدودة جدا بنقدر نتوصل إليها والباقي ما بنقدرش نتوصل إليه. ولذلك اتجهنا الى أننا نعوض جزء

سرى للغاية

من هذه الأيدى العاملة بشئ من الميكنة الزراعية، وبدأنا فى شئ من التوسع فى الميكنة الزراعية.

التوسع فى الميكنة الزراعية بيجرنا فى نفس الوقت الى أن لها مشاكل أيضا؛ اللى هى تدريب الفنيين اللازمين لها، وبعدين عمليات الصيانة بالنسبة لها؛ ودى عمليات يعنى عايزه جهد كبير وعايزه إمكانية. عملنا بحوث كثيرة جدا فى إمكانية الصيانة وإحنا فى مناطق متفرقة. وفى نفس الوقت جرنا هذا الى صيانة الآلات الزراعية الموجودة فى البلد؛ عندنا حوالى مثلا ١٩,٦٠٠ جرار موجودين فى البلد لا يوجد لها نظام صيانة، ولا نظام للحصول على قطع الغيار، ولا حتى حصر لأنواع هذه الجرارات، ودى ثروة قومية بتتفعا فى البلد وبتتفعا فى عمليات الزراعة ومن الصعب إن احنا نسيبها بهذا الشكل.

فعملنا لجان وبدأنا نحصر هذه الجرارات، وندور على نظام علشان عمليات الصيانة بتاع هذه الآلات وبتاع المناطق الجديدة. وبرضه دى من ضمن الحاجات اللى عرضت على لجنة الخطة فى المرة اللى فاتت، وعاملين لجنة فرعية تجتمع غدا علشان وضع الأسس لعملية الصيانة لكل هذا العدد الكبير من الآلات الزراعية. وإحنا عاملين عقد مع الكتلة الشرقية على الآلات الزراعية لمدة الخطة الخمسية الثانية، ومن ضمنه تدريب للناس اللى هى حاتستخدمها، وتوريد ورش للصيانة لهذه الآلات وقطع غيار؛ وعلشان نقدر نقوم بعمليات الصيانة الميدانية. أما صيانة القاعدة والصيانة بتاعة الخط الثالث وخلافه فهى دى النقطة اللى إحنا فى اللجنة الفرعية اللى إحنا بنمشى عليها على الأساس ده فى جميع الأعمال الزراعية.

إحنا علشان نزرع الأرض الجديدة، بقينا نحاول إن احنا نرغب العمال الزراعيين على أنهم ببيجوا ويقعدوا معنا؛ إن احنا ملكنا فى الأول جزء من هذه الأراضى، وبعدين غيرنا التمليك الى تأجير فى الفترة الأخيرة. وكنا نفضل العمال اللى أصلحوا هذه الأرض وإن احنا نعطيهم ويستقروا فى هذه المنطقة، خصوصا إذا كانت إمكانيات المباني وجدت فى بعض هذه المناطق.

وبعدين استعنا بكثائب الخدمة الوطنية بتاع الجيش، وعندنا النهارده ٨,٠٠٠ بيشتغلوا معنا فى هذه العملية. واستخدمنا المساجين فى القطاع الجنوبى فى مديرية التحرير، وتوسعنا فى إنشاء مراكز تدريب علشان نقدر نجيب الفنيين اللازمين للعمليات الزراعية، ومشينا أكثر من خمس مراكز، وطلعنا لغاية دلوقتى أكثر من ستة آلاف من العمال الفنيين الزراعيين. لكن للأسف برضه هذه المناطق تتصف بالصعوبة فى أن الناس تقيم فيها. فإحنا بيصادفنا مثلا إن احنا لما بندرب ناس ويبقوا فنيين أكفاء،

سرى للغاية

بيسيبونا وتتهم ماشيين، لأن مناطقنا صعبة ويوجدوا عمل أسهل وأحسن فى مناطق فى المدن فمابيقعدوش معانا، حتى فى المهندسين نفس الوضع.

يعنى مثلا الدفعة الأخيرة بتاع المهندسين اللى كانوا مكلفين على الجيش وبعدين الجيش ما كانش عايزهم، قاموا اتأخروا شويه فى التعيين عن زملائهم، قاموا أحبوا يعوضوهم على إنهم يرغبوهم يروحوا الأماكن اللى هم عايزينها يودوهاهم، ما فيش ولا واحد رضى يروح الاصلاح الزراعى أبدا، ولا اصلاح الأراضى إطلاقا ماحدش بييجى فيها! وإحنا عندنا أعداد كثيرة من المكلفين بس ماحدش راضى بييجى إطلاقا.. وهكذا. حتى بالنسبة للمحاسبين، النظام النهارده اللى إحنا شغالين عليه، إحنا ماشيين على نظام حساب التكاليف؛ علشان نقدر نضبط عمليات الزراعة، وعرضنا هذا الكلام على مجلس الوزراء السنة اللى فاتت، ومجلس الوزراء أصدر قرار أن الأولوية إن إحنا نأخذ من الخريجين بتوع التجارة لهذه المناطق، وإن اللى يتعينوا عندنا ما يتعينوش فى حنة تانية. وبالرغم من هذا عينا، وأعطينا إخطار لجميع الوزارات على أن دول يتعينوا عندنا، وبالرغم من هذا ما فضلش عندنا ولا عشرهم؛ كلهم مشوا.. دى من ضمن الحاجات الصعبة جدا اللى بتقابلنا فى عمليات الزراعة فى هذه المناطق.

بالنسبة لبيان الأراضى التى استصلحت، هم ٧٣٤,٨٠٠ فدان ٧٨,٩٠٠ فدان اللى اتصلحوا من ٥٢/٥١ حتى ٦٠/٥٩. وبعدين حصل فى السنين الأولى أن الإستصلاح كان بادى بطئ؛ لأن الإمكانيات كانت لسه بطيئة فى العمل. فى السنيتين الأولتين كان ٢٨,٠٠٠ فدان، وكان وراهم ٨٩,٠٠٠، ثم ابتدأت المساحات تكبر من السنة الثالثة للخطة الأولى، ولذلك أصبحت أن الأراضى اللى داخله فعلا فى عمليات الاستزراع مفروض إنها بدأت قليلة وتكبر سنة بعد أخرى.

الأراضى التى استصلحت فى المنطقة كالاتى.. أراضى دخلت مرحلة الاستزراع حتى الآن ٥٦٧,٨٠٠ فدان، وحاييجى تفاصيل. وبهذه المناسبة الاستزراع فى العرف اللى إحنا ماشيين على أساسه اللى هى بعد ما تم استصلاحها فعلا، ودخلت فيها المياه تبتدى عملية الاستزراع؛ يعنى اصطلاح الاستزراع بينطبق عليها.

أراضى جارى استزراعها فعلا ٤٣٠,٢٠٠ فدان، وأراضى مباعه ومؤجرة ١٣٧,٦٠٠ فدان، وأراضى لم تدخل مرحلة الاستزراع اللى إحنا تكلمنا عليها قبل كده اللى هى ١٦٧,٠٠٠ فدان، منها ٩٦,٤٠٠ فدان جارى تدبير التيار الكهربائى لها، ومنها ٧٠,٦٠٠ فدان جارى تركيب الطلمبات لها.. ده مجموع هذه الأراضى.

المساحات التى تم التصرف فيها بالبيع أو التأجير، منها مساحات من الأراضى اللى هى قبل الخطة وتم التصرف فيها من قبل الخطة الأولى، ومنها أراضى تم

سرى للغاية

التصرف فيها بعد الخطة الأولى؛ لأنها كانت منشأة أساسا للتوزيع. يعنى أبيس كانت معمولة أساسا لعملية التوزيع والتهجير إليها، اتوزع منها ١٨,٠٠٠ فدان، والأبوار المتخللة بتاع الاصلاح الزراعى، اللى هى مناطق متفرقة ما كانش ممكن أبدا الاحتفاظ بها ككتلة؛ فاتوزعت على هذا الأساس.

المناطق بتاع كوم أمبو؛ اللى هى معمولة أصلا لتهجير النوبيين اللى هو زرعناه فعلا أتوزع أيضا بالتأجير، وهكذا بعض المناطق المتفرقة الأخرى. الباقي مشينا فيه بعد هذا فى عمليات التأجير، وفيه بعضها أخذته جهات حكومية للوازم العمليات الحكومية؛ فعلا ١٥٠٠ فدان أخذتهم الاصلاح الزراعى ضمتهم على إنشاص، بما أنهم إتصلحوا جنب انشاص فضمتهم على إنشاص.. وفيه مثلا ٤٩٠٠ فدان من أراضى أبيس اتسلموا لكلية الزراعة؛ ليقفوا مزرعة لكلية الزراعة بجامعة الإسكندرية. وفيه ٥٠٠ فدان اتسلموا للجبل الأصفر مع وزارة الزراعة.. وهكذا يعنى بعض المساحات ١٣,٩٠٠ فدان أخذتها جهات حكومية.

برنامج الاستزراع القائم حاليا فى ١٢٧,٤٠٠ فدان جارى إعدادها حاليا - مسطرد - ١٤٩,٠٠٠ جارى إعدادها حاليا، وفيه ٢٨,٤٠٠ فدان جارى غمرها وغسيلها. والأرض الجارى إعدادها بتتطور وقت بعد الآخر؛ يعنى مثلا مشروع مريوط إحنا لما عملنا هذه المذكرة ماكانش لسه عملنا فيه المياه.. لسه ما دخلتش فيه، دخلت الأرض وزرعنا فيه حتى النهارده ستة آلاف فدان والأرض داخله النهارده، كمان فيه ١٩,٥٠٠ فدان هاينزرعوا فى فبراير القادم، وهكذا بالنسبة لبقية المساحة أولا بأول.

عبد الناصر : اللى شمال السكة الحديد؟

أبو النور : هو جنوب السكة الحديد، شمال السكة الحديد جزء وجنوب السكة الحديد جزء.

عبد الناصر : زرعتمو فين؟

أبو النور : رزعنا من جنب الطريق وإحنا داخلين ناحية بهيج؛ اتزرع ستة آلاف فدان قمح وشعير.

عبد الناصر : ده بيقى شمال السكة الحديد.

سرى للغاية

أبو النور: جزء شمال السكة الحديد وجزء جنوبها، وبعدين دلوقتى إحنا بنغممر بعض الأراضى؛ بحيث إن احنا على فبراير حانزرج جزء قطن وجزء ذره.

عبد الناصر: هل الأرض دى ملك والا مش ملك؟

أبو النور: لأ.. الأرض دى مالهاش ملك؛ يعنى أرض كل الصحراء مالهاش ملك إطلاقاً.

عبد الناصر: إحنا كنا عملنا قانون .

أبو النور: كان فيه قانون سنة ٥٨.

عبد الناصر: آه.

عامر: عملنا لكن ما ملكناش، ملكنا الناس اللى بيزرعوا.

أبو النور: قانون سنة ٥٨، النهارده أصبحت ملك الدولة ما حدش له فيها.

عامر: كله ملك الدولة.

أبو النور: وبعدين عدلناه حتى سنة ٦٤، وقلنا اللى زرع الأرض قبل القانون بسنة تعتبر ملكه، بس دى ما كانت لسه حد زرعها.. ما حدش زرعها خالص. شرق النوبارية مثلا ٢٠,٠٠٠ فدان احنا فعلا غمرنا فيها النهارده ١٢,٠٠٠ فدان، وعايبتها على نص الشهر.

عبد الناصر: ده من ال ١٦٧؟

أبو النور: ده من ال ١٦٧.. هى المنطقة سيادتكم شفت حتى قبل السكة الحديد يعنى قبل البحرية وبعد البحرية، هى دى المنطقة بتاع شرق النوبارية.. الأبوار بتاع الاصلاح الزراعى. إحنا بنغممر النهارده.. تم غمر فعلا ٤,٤٠٠ فدان من ١٧,٨٠٠ فدان الأخرانيين خالص، والباقيين بنتابع غمرهم شويه بعد شويه. القطاع الشمالى من مديرية التحرير

سرى للغاية

برضه فيه ٤,٠٠٠ فدان كنا أضفناهم اليه من ٥,٥٠٠ فدان تم غمرهم فعلا. يعنى عملية الإعداد بتتقلب الى عمليات الغمر والزراعة شهر بعد الآخر.

وبعدين عندنا ٦٥,٠٠٠ فدان بيزرعوا فى أول سنة، و ٩٣,٠٠٠ فدان بيزرعوا ثانى سنة، و ٤٩,٣٠٠ فدان ثالث سنة، و ١٨,٧٠٠ فدان رابع سنة، و ٧,٧٠٠ فدان خامس سنة، و ٣,٦٠٠ فدان سادس سنة، و ١٤,٤٠٠ فدان سابع سنة اللى هم بتوع مديرية التحرير القدام. من كل هذه المساحات لم يصل الى الحدية فعلا إلا ٣٨,٨٠٠ فدان، باعتبارها هى المساحات اللى مضى عليها فعلا مدة الاستزراع. وده بيورينا إن.. لأن البداية كانت بسيطة، فاللى بيوصل الى الحدية لسه مقدار بسيط، لكن فى السنين القادمة فيه مقدار كبير جدا هو اللى داخل لعمليات الحدية بسرعة.

بالنسبة للمناطق الجارى تدبير التيار الكهربائى لها، فيه عندنا شمال سمالوط، والموعده المنتظر لبدء انتهاء خط الكهرباء فى ٢٨ فبراير، وجنوب سمالوط فى ٣١ يوليه، والرديسية ووادى عبادى فى ديسمبر مفروض السنة دى، وفعلا بدينا فى ابتداء السنة دى، يعنى جاريين فعلا التيار الكهربائى واختبار الأرض النهارده. إسنا فى ٢٨ فبراير، جنوب التحرير أخذنا فعلا التيار الكهربائى هذا الشهر، وجنوب التحرير مساحة ١٠,٠٠٠ فدان حنأخذ لها فى مارس التيار الكهربائى بتاعها. وشرق القنال إحنا موقفينه لأن الكهرباء لم يتم التعاقد عليها للغاية النهارده، لأنها كانت عقد مع الجماعة بتوع براون وغيره، ولسه للغاية النهارده فيه مشاكل بينهم وبين بعض.

ففيه حوالى ٩٤,٤٠٠ فدان ها يدخلوا فعلا عملية الزراعة اعتبارا من شهر مارس وإحنا طالعين؛ بحيث إن احنا على الشتوى السنة الجاية يكونوا داخلين الزراعة بالكامل؛ دول من ناحية موقف الكهرباء. وإحنا اتكلمنا فى هذه العملية فى لجنة الخطة وفيه بعض مثلا حاجات كانت معطلة بسيطة والسيد رئيس الوزراء أمر أنها تنهى؛ فحتنتهى فى هذه المواعيد.

بالنسبة لمحطات الطلمبات.. فيه عندنا ٤,٠٠٠ فدان فى بحر البقر، دى المحطات بتاعتها خلصت والطللمبات كان النقد الأجنبى بتاعها اتفتح متأخر حاتصل فى مارس السنة دى، والأرض جاهزة بمجرد ما توصل بعد شهر مباشرة إنها تدخلها المياه. والفردان.. فيها ٣,٠٠٠ فدان نفس العملية بالضبط، مريوط الـ ١٦,٩٠٠ فدان اللى هم بنخلصهم للغاية يونيه القادم وجارى تركيب فعلا المحطة، إحنا خلصنا المحطة الأولى والثانية والثالثة والرابعة.

سرى للغاية

عبد الناصر: كام كله مشروع مريوط؟

أبو النور: مشروع مريوط كله ٨٠,٠٠٠ فدان.

سليمان: ده اللى على طلبات المكن؟

أبو النور: لأ.. اللى هو على المحطة اللى على الطريق اللى شفتها سيادتك، دلوقتى اشتغلت والمياه دخلت الترعى.

سليمان: موجودة على مياه الصرف ولا على المياه الجديدة؟

أبو النور: لأ.. على المياه الجديدة، على المياه الجديدة مخلوطة من المصرف العمومى.

سليمان: اللى هو مشروع ناصر بتاع مريوط.

أبو النور: غرب النوبارية فيه ألف فدان، دول أصلا مكملين للمساحة الهدية الروسية، ولسه شغالين فيها وهاتخلص فى يونيه القادم. كوم أمبو فيه ١١,٠٠٠ فدان هايلخصوا فى مارس ١٩٦٧ المحطات بتاعتهم، وفيه ١٩,٠٠٠ فدان المحطات بتاعتها لغاية النهارده تعديل للموقف اللى إحنا كنا قلناه المرة اللى فاتت، ١٩,٠٠٠ فدان لغاية النهارده المحطات بتاعتهم مابتوش فى نوع الأساس لبناء المحطات، وسبق جابوا عدد من الخبراء علشان يدرسوا هذه العملية ولم ينتهوا فيها لغاية النهارده برأى.

الوادى الجديد.. فيه عندنا ١٣,٧٠٠ فدان المياه بتاعتهم قلت لما الآبار هبط منسوبها، إحنا بنجرب عملية الرفع بالطلباب. اشترينا فعلا ٤٩ ظلمبه، وبنعمل عمليات تجربة على أساس إن احنا لابد أن نجرب إن لما يحصل هبوط فى المياه الخزان موجود، مش معقول لما يحصل هبوط فى المياه إن احنا حانسب العملية. إذا لابد إن احنا نجرب عملية الرفع بالطلباب ونشوف اقتصادياتها، ونشوف تأثير عملية الرفع على بقية الآبار شكلها إيه، وهانقدر على هذا الأساس نتوسع فى مساحات أد إيه؛ ودى أحد التجارب اللى إحنا..

عبد الناصر: المشروع كله أد إيه؟

سرى للغاية

أبو النور:

المزروع فى الوادى الجديد هو كان المساحة كلها ٤٢,٠٠٠ فدان، شلنا منها ١٣,٠٠٠ فدان؛ جزء منها متوزع وجزء منها مازال على الذمة، واللى مازال على الذمة من ضمن الحاجات اللى إحنا بنقترحها إن احنا برضه بنوزعها للأهالى الموجودين هناك.

المنيا.. فيه عندنا مساحة بتاعة ٥١,٠٠٠ فدان ممكن إنها تدخل فعلا الزراعة أيضا اعتبارا من ممارس القادم لغاية الدورة الشتوية القادمة. يبقى فيه عندنا ٥١,٠٠٠ فدان وحوالى ٩٠,٠٠٠ فدان؛ يبقىوا ١٤١,٠٠٠ فدان اللى كانوا متعطلين من الـ ١٧٦,٠٠٠ فدان، حايدخلوا الزراعة اعتبارا من مارس وإحنا طالعين.

بالنسبة للمشاكل بتاع المبانى، التعمير.. هو إحنا أعدنا تنظيم العملية على أساس بيت لكل ٢٠ فدان. وجدنا إن المساحات اللى تم إستصلاحها لغاية النهارده محتاجة الى ١٦,٠٠٠ مسكن علشان تتعمر على أساس مسكن لكل ٢٠ فدان، يعنى فيه عندنا ١٦,٠٠٠ بيت ناقص فى المساحات اللى تم استصلاحها لغاية النهارده. دى داخله من ضمن الخطة الثانية على أساس استكمال للمساحات القديمة.

المساحات الجديدة برضه ماشيين على أساس بيت لكل ٢٩٠ فدان. هو إحنا بس اللى كنا بنرجوه إن شركات الإسكان تسرع فى عملية بناء هذه البيوت، وخصوصا إن فيه بعض مناطق مافيهاش بيوت إطلاقا، وواقفه البيوت بقى لها ييجى ستة أشهر مافيش أى حركة؛ علشان شركة مثلا تعبانة وحل مجلس إدارتها وبيغيروها وبتاع وواقفه العملية على هذا الأساس، يعنى عايزة شئ من السرعة فى هذه العملية علشان نقدر نستفيد من هذه الأراضى الاستفادة الكاملة.

بالنسبة لمياه الشرب، إحنا عملنا بحث كامل مع وزارة الإسكان، والبحث ده يوضح فيه إن احنا مطلوب استثمارات بمبلغ ٧,٤٦٧,٠٠٠ جنيه، مقسمين الى ٣٥٠,٠٠٠ جنيه فى ٦٦/٦٧، ١,٨٠٠,٠٠٠ جنيه فى ٦٧/٦٨، ١,٣٥٠,٠٠٠ فى ٦٩/٦٨، ٥٠٠,٠٠٠ فى ٧٠/٦٩؛ علشان يقدرنا يمدوا هذه المساحات بالمياه، ومن ضمنها إنشاء محطتين جدد واحدة فى كفر الشيخ وواحدة فى الدقهلية. ودول تعاقدوا عليهم فعلا مع القرض التشيكي؛ يعنى الموضوع ده فعلا كان من سنتين مبحوث، ويتم التعاقد فعلا من القرض التشيكي عليها، والمفروض إنهم بمجرد ما تيجى المحطات بيركبوها ويشغلوا. فيه بعض مناطق موجود فيها الشبكة وواصل ناحيتها المياه بس واصل ضعيف، يعنى تتنافس مع غيرها فيها وخصوصا فى موسم الصيف؛ مثلا المياه اللى رايحه بلطيم والا رايحه جمصه والا رايحه الحنت بتاع المصايف. تكون النتيجة إنها على حساب هذه المناطق تقطع عنها المياه ويتروح لهذه المناطق. ودى اتفقنا على

سرى للغاية

إن وزارة الإسكان بتعمل اجتماعات مع المحافظين ويترتب مواعيد للمياه ويتسق مع الاتنين على قدر الإمكان.. ده بالنسبة للمياه والإسكان.

بالنسبة لشبكات الطرق، إحنا بنعمل الطرق الداخلية داخل مناطق الإستصلاح نفسها؛ الطرق اللي بتوصل من الطرق العمومية الى مناطق الاستصلاح دي المفروض بتعملها وزارة النقل، ويعنى مادخلتش فى الاعتبار كثيرا فى المناطق السابقة، ورغم الاتفاق عليها برضه. ودى بتسبب لنا مشاكل كبيرة جدا فى عملية خدمة هذه الأراضى ونقل الناس إليها، وحتى نقل محاصيلها منها. والموضوع ده برضه عرض على لجنة الخطة فى المرة الماضية وقلنا نعمل أسبقيات مختلفة، وإحنا فعلا عملنا اجتماع وانتبهنا فيه الى أسبقيات أولى بـ ١٤١ كيلو طرق لعدد من المناطق المختلفة، وخصوصا المناطق اللي فى شمال الدلتا؛ دي بتبقى أسبقيات أولى والباقي ها يدخل فى أسبقيات ثانية. ده بالنسبة لإصلاح الأراضى وموقفه والمشاكل التى قابلته لغاية النهارده، والحلول ماشيين فى طريقها، واعتقادى إن على الدورة الشتوية القادمة الموقف حايصلح بدرجة كبيرة جدا مما كان عليه فى الفترة الماضية.

إحنا بالنسبة للعمل الجديد فى السنين الجديدة، قلنا: إن احنا مش حاندخل منطقة إطلاقا لعملية الإستصلاح إلا إذا فتح الاعتماد وفى نفس السنة، أجنبى ومحلى لكل العملية على بعضها؛ يعنى للكهربا مع نفس المنطقة، للرى مع نفس المنطقة.. مع المنطقة فى نفس العملية فى نفس الوقت. بدل ما نعمل حاجة ونرجع نستنى حاجة تستنى حاجة تانيه أو أخرى فترة من الفترات. رغم أنها فعلا كانت البداية بتبقى كده، لكن بتيجى فى السكة - لأن المنطقة حاتتصلح على ٣ سنين - بتيجى فى السكة يحصل المشاكل اللي فى السكة، لكن بنرجو إن فى الفترة الحالية يبقى معروف وواضح إن المشروع على بعضه، ولما حطيناه برضه حطيناه كهربته بطرقه بمياهاه على بعضه؛ علشان يبقى لما تتقيم العملية تتقيم كلها على بعضها.

عبد الناصر: الـ ٧٠٠,٠٠٠ فدان الرى منين؟

أبو النور: الـ ٧٠٠,٠٠٠ فدان؛ إحنا مشينا فى الـ ٥٢٣,٠٠٠ فدان الأولى على أساس إن ٣٥٠,٠٠٠ فدان منهم على الرى الاضافى، والباقي على المياه المدبرة من مياه النيل الحالية، منهم بس ٦٠,٠٠٠ فدان على السد العالى.. ده الوضع اللي كنا ماشيين عليه.

عبد الناصر: فى الأول؟

سرى للغاية

أبو النور: فى ٥٢٣,٠٠٠ فدان، نصف مليون.

سليمان: ده الوضع القديم؟

أبو النور: لأ.. آخر وضع عملناه، ماهى العملية كانت معمولة من الأصل على أساس ٧٥٠,٠٠٠ فدان، وبعدين لما جينا نعيد النظر فى الخطة، وقعدنا الأخ شرباصى، قال: مافيش مياه! وتناقشنا ووصلنا الى هذه النتيجة؛ الـ ٥٢٣,٠٠٠ فدان بهذا الشكل، كان منهم ٦٠,٠٠٠ فدان فقط على مياه السد العالى، وبحثت فى اللجنة التنفيذية العليا، يعنى واضحة كلها بالكامل.

سليمان: لأ.. إنما اللي بيروى دلوقتى على السد العالى من المساحة كلها لا يجاوز ١٢٠,٠٠٠ فدان.

أبو النور: هم بقى خلطوا العملية على بعضها، أنا عايز أقول لسيادتك حاجة..

عبد الناصر: أنا بأسأل السؤال ده ليه؟ أنا بأسأل السؤال ده علشان أشوف مياه السد العالى حانعمل بها إيه يعنى!؟

أبو النور: وبحثت مياه السد العالى، وقلنا حايبقى يزيد ١,٢٥٠,٠٠٠ فدان.

عبد الناصر: لأن فعلا كان تقرر أن نصف مليون فدان بيبقى على الموارد الاضافية.

سليمان: إنما ماابتدأش النصف مليون فدان، يعنى معلوماتي إن ماطلعش النصف مليون فدان على الموارد الاضافية؛ يعنى مثلا الطلبات اللي اتعملت فى التحرير مابتشتغلش!

أبو النور: بدأت تشتغل.. طلبات التحرير بتشتغل.

سليمان: بتروى دلوقتى؟

سرى للغاية

أبو النور: بتروى.. بتروى، إحنا واخدين نصف.. جزء وجزء.

سليمان: على كل حال إيه، أنا عامل حسابها يعنى.

أبو النور: أنا عايز أقول لسيادتك على حاجة: يعنى المائة ظلمة اللي إحنا عملناهم فى الدلتا
علشان يأخذوا من المياه الجوفية يرموا فى النيل، مابيدوروش.. مابيشغلوش، بتوع
اليوغوسلاف، والمياه موجودة حادورهم ليه!؟

عامر: آه.. مش عاوزينهم علشان المياه موجودة.

عبد الناصر: لأ.. طيب أمال حسبة المياه الجوفية وطاقتها وبتاع، آه.. مش عايزين مياه علشان مياه
السد العالى.. آه.. آه.. يعنى فيه مياه زيادة.

أبو النور: آه.. فيه مياه زيادة دلوقتى قطعاً.

عبد الناصر: لأ.. هو السؤال الثانى، إذا كنا لغاية دلوقتى نبقى استخدمنا ٢٠٠,٠٠٠ على السد
العالى؟

أبو النور: المفروض هذا، هو فيه نقطة واحدة.. إن المياه مثلا اللي كانت مأخوذه على أساس
التحكم فى مياه النيل - كنا واخدين جزء علشان التحكم فى مياه النيل - النهارده مش
معمول هذا الكلام.. هذا الكلام غير معمول به؛ باعتبار أن المياه متوفرة بنتساب زى ما
إحنا عايزين، لكن لابد إن احنا لما نتوسع فى المساحة بالكامل نعود الى هذا الوضع.

عبد الناصر: آه.

أبو النور: يعنى لابد أن نعود الى هذا الوضع، وكان موضوع ترتيب العمليات بتاع الترع الجانبية؛
بحيث إن كل مساحة لا تأخذ غير المقرر لها وكل ترعة لا تأخذ غير المقرر لها فعلاً،
وتحسين نهايات الترع على هذا الوضع.

سرى للغاية

- عبد الناصر: يبقى السؤال التالى.. يبقى فائض لنا أد إيه علشان نرويه بمياه السد العالى؟
- أبو النور: كان ١,٤٠٠,٠٠٠ فدان أنا فاكر بحثناه.. إحنا بحثناه فاكر سيادتكم من سنتين؛ كان على ١,٤٠٠,٠٠٠ فدان.
- عبد الناصر: آه.. دلوقتى بنروى ٢٠٠,٠٠٠، بصرف النظر من استخدام الموارد الاضافية.
- أبو النور: بنروى ٢٠٠,٠٠٠ وفاضل ١,٢٠٠,٠٠٠ .
- عبد الناصر: يبقى فاضل ١,٢٠٠,٠٠٠، طيب.. هل فيه خطة لـ ١,٢٠٠,٠٠٠ فدان دول؟
- أبو النور: فيه خطة للـ ٦٥٠,٠٠٠ اللى هم فى الخطة الثانية، والباقى أراضيهم موجودة.. يعنى معروفة وموجودة للتوسع فيها.
- عامر: يعنى مستصلحة؟
- عبد الناصر: لا لأ.. ده كله إستصلاح، أنا با أتكلم على الورق.
- أبو النور: لا لأ.. ده خطة.. كخطة.
- عبد الناصر: طيب معنى هذا أن الـ ١,٢٠٠,٠٠٠ حانعملهم فى أد إيه؟
- أبو النور: إذا كنا حانعمل الـ ٦٥٠,٠٠٠ فى السبع سنين، فى برنامج السبع سنوات الـ ٦٥٠,٠٠٠ فدان، يبقى مفروض الباقى حايتمعملوا، كان معمول على إنهم يتعملوا فى الخطة الخمسية الثالثة.
- عامر: يعنى ١٢ سنة.
- عبد الناصر: ١٤!

سرى للغاية

أبو النور: ماهى العملية ما هياش امكانية استصلاح،

عامر: أنا فاهم طبعا.

عبد الناصر: العملية فلوس.

عامر: أنا فاهم.. إنما ١٤ سنة من البرنامج الحالى.

محي الدين: داخل فيهم الشرقية.. الصالحية.

أبو النور: داخل الصالحية طبعا.. داخل الصالحية على ٤٣٠,٠٠٠ مش على ٣٢٠,٠٠٠.

عبد الناصر: طيب يبقى السؤال الثانى اللى هو الجزء الخاص بالخطة السبعية.. مضى سنتين من الخطة السبعيه وإحنا دلوقتى فى السنة الثانية .

أبو النور: أيوه يافندم .

عبد الناصر: استصلحتوا يعنى السنة..

أبو النور: استصلحنا السنه اللى فاتت ١١٩,٠٠٠، وبعدين بدأنا ننزل.

عبد الناصر: السنه دى كام؟

أبو النور: ٥٦.

عبد الناصر: بس!؟

سرى للغاية

أبو النور: حايقى ٥٦ واللى بعدها كده واللى بعدها كده، واللى بعدها سنة ٨٠، وبعدين نرجع نتوسع فى السنتين الأخيرتين.

عبد الناصر: ليه؟

أبو النور: علشان برضه الفلوس، يعنى أنا عندى آلات عطلانه، وبأشغلها فى أى حاجة، يعنى أنا دخلت فى الطرق بتاع الواحات بأشغل فيها الآت، دخلت فى عملية بتاع الحديد والصلب فى حلوان، يعنى داخل فى عمليات كثيرة علشان أشغل فيها آلتى مأسيهاش عطلانه.

عبد الناصر: يعنى فى رأى إن الكلام ده مش معقول أبدا!

عامر: طيب الفلوس؛ علشان إذا كان عندنا الآلات الفلوس حنحتاجها ليه؟ طرق؟

أبو النور: أنا حا أقول لسيادتك الفلوس ليه؛ الفلوس لتشغيل الآلات، وهو يعنى العمال بتأخذ، وطبعاً حأشغلها فى حاجة تانيه برضه بس حتأخذ فى حاجه تانية. العملية بقره.. اليد العاملة اللى حاتشغل فى عمليات الطرق؛ عمليات الطرق، عمليات مجارى الرى والصرف العامة؛ لأن دى بتتعمل بأيدى عاملة، الحفر. وبعدين عمليات الظلمبات والكهرباء اللى بنجيب لها استثمارات من الخارج، فى اعتقادى أنا ماهياش مشكل إلا فى منطقة التحرير، لسه مانتبهناش فيها لغاية النهارده، لكن الثانية بتاع الروس مثلاً إحنا متفقين مع الروس على كله.

عبد الناصر: يعنى الحقيقة يبقى تفكير يعنى عقيم جداً إن إحنا نشترى القمح بما يزيد كل سنة - وأنا عندى تقديرات القمح، وبيزيد استهلاكنا كل سنة مما لا يمكننا من التصدير - وبعدين مانصلحش الأرض! يعنى إحنا لازم نعطى الأسبقية الأولى لاصلاح الأرض علشان نقدر نعيش. إحنا لم نقر خطة الزراعة دى، أنا أول مرة أسمع موضوع الـ ٥٠,٠٠٠ فدان!

عامر: ١٤ سنة السنة دى.

سرى للغاية

عبد الناصر: لأ.. يعنى حكاية ٥٦ دى أول مرة أسمعها، لم أقر أنا خطة الـ٥٦,٠٠٠ فدان، ولم يعرض على هذا الموضوع!

أبو النور: لأ ماتعرضش! على أساس إن لما أخذنا استثمارات أخذنا على هذا الضوء.

عبد الناصر: دا إحنا لم نبحت الخطة بالكامل بحال، يعنى إحنا بحثنا خطة سنة واحدة!

أبو النور: انتوا عملتوها على الاستثمار.

عبد الناصر: لأ.. إحنا بحثنا خطة سنة واحدة بالنسبة للخطة اللي هي السنة الأولى.

أبو النور: السنة الأولى، وإحنا عملنا فيها ١١٩,٠٠٠ فدان السنة دى.. اللي فاتت.

عبد الناصر: يعنى هو المفروض إن إحنا نطلع عن المائة وعشرين ده من أيام سيد مرعى وأيام المناقشات، وإحنا ضغطنا لنرفع الاصلاح الى ١٢٠,٠٠٠ فدان.

صبرى: والامكانية أكثر كمان.

عبد الناصر: لكن أيام سيد مرعى رفعا الى ١٢٠,٠٠٠ فدان؛ فإزاي ننزل الى ٥٦,٠٠٠ فدان!؟

أبو النور: هو إحنا الأجهزة جاهزة، يعنى مش المشكل النهارده فى عمليات الاستصلاح؛ هي كلها عملية استثمار.

سليمان: ولازم برضه ننزل بمعدلات الاستثمار بتاعتنا.

عبد الناصر: لأ.. ننزل فى التفكير.. ننزل بالعقل يعنى، مش لازم ننزل وبس يعنى!

سليمان: طبعا.. يعنى ننزل بقدر ما يمكن فى عمليات التعمير.

أبو النور: عمليات التعمير وصلنا الي..

سرى للغاية

عبد الناصر: لألاً.. ماليش دعوة بالاستثمار.. يعنى ماليش دعوه تقول لى أنزل ما أنزلش ماليش دعوة بهذا الموضوع. أنا باقول إن أنا لا أنزل عن ١٢٠,٠٠٠ فدان، أطلع عن ١٢٠,٠٠٠ فدان، وإلا تبقى بنهدها. يعنى النهارده حائشترى قمح، أنا عندى بيانات القمح اللى بأشترىها وبتزيد كل سنه قد إيه!

صبرى: ٢٠٠,٠٠٠ طن فى السنة زيادة كل سنة.

عبد الناصر: كل سنه فيه ٢٠٠,٠٠٠ طن زيادة، أنا شايف القمح وأنا رايح إسكندرية الدور ده لأول زرع طالع علو كده.. شفناه وأنا رايح البرج. طيب أنا إذا كنت بأطلع طن قمح، إذا كل ١٠٠,٠٠٠ فدان بأطلع أنا ١٠٠,٠٠٠ طن قمح فى السنه. وأنا ولو أزرع، ولو آخذ حتى فى السنه الثانية أو الثالثة بأحل، لكن ما أزرعش أرض ومااستصلحش أرض وعملية زيادة الأفقى. زيادة الرأسى عملية فى رأى الكلام فيها كثير.. وصلنا الى نتيجة يعنى معينة، لكن النهارده لازم الأفضلية الأولى تبقى للزراعة، وإلا إحنا الحقيقة بنزنق نفسنا زنقه لا أول لها ولا آخر! إحنا دايرين نشحت، يعنى عبد الحكيم رايح موسكو قعد يشحت هناك!

عامر: حاجة مؤلمة.

عبد الناصر: وبعدين النهارده المشكلة إن احنا واخدين القمح على ٣ سنين، ومش حاندفع، حاندفع إيه؟! والسنة الجاية حأخذ على ٣ سنين! يعنى عملية الأكل ما نقدرش نأخذ على.. ماأقدرش أنا!

عامر: ماحدث بيديك.

أبو النور: إن قدرنا نأخذ منه، ما تضمنش إنك تأخذ السنة اللى بعدها يعنى!

عبد الناصر: يعنى إحنا بنجند البلد كلها، الجيش مستعد بيجيبلك خدمة وطنية.. عايز كذا ألف بيجيبلك، ثمانية آلاف بيجيبلك، عايز عمال بيعطوا لك أى رقم.

سرى للغاية

أبو النور: إحنا طالبين عشرة آلاف واحد من الجيش تانيين.

عامر: مستعدين نعطي أى رقم.

عبد الناصر: والخطة تزيد من ١٢٠,٠٠٠ فدان ما نقلش أبدا عن ١٢٠,٠٠٠ ونوفر بقية استثمارات فى مواضيع أخرى، يعنى نعطي الحقيقة.. أنا برضه بأعطي الزراعة أفضلية أولى النهارده حتى عن الصناعة.. حتى عن الصناعة.

عامر: مشكلة العالم كله الأكل مش إحنا بس.

عبد الناصر: لأن على سنة ١٩٧٠ العالم.. وسعر القمح هايغلى، قطعنا سعر القمح على سنة ١٩٧٠ هايغلى ٣٠٪ على الأقل. والكلام اللي إحنا بنحسبه النهارده؛ هل القطن اقتصادى أو القمح اقتصادى أو مش فاهم إيه، بعدين إحنا علينا commitments ١٤٠,٠٠٠,٠٠٠ جنيه.. بتزيد.

عامر: القمح كان بثلاثين دولار النهارده بقى بسبعين.. بالضعف.. تضاعف سعره على طول، كل سنة سعره بيزيد.

أبو النور: هو فى رأى - لو سمحت لى سيادتك - إن احنا لو ركزنا بالنسبة للزراعة على التوسع فى المياه، وخصوصا فى المناطق التى تغل بسرعة، وفى نفس الوقت إن احنا نركز على محطات الصرف بالنسبة للأرض القديمة؛ بحيث إن احنا ننشئها بسرعة ونركبها بسرعة، والمحطات اللي ناقصة تجيبها ونبتدى منها بسرعة حاجتجعل الأرض القديمة تجاوب كثير جدا ويسرعة فى خلال سنتين، ممكن أن تنتهى هذا المشكل. لأن النهارده إيه؟ النهارده جزء كبير من الأرض القديمة المصارف بتترد فى الأرض تانى، بتترد علشان مش موجود مصارف؛ المصارف موجودة علشان محطات الصرف بقى لها ٣٠ سنة منشأة.. تعبانة، وليست على هذا الاتساع اللي حصل فى الأرض؛ النتيجة إنها مابتقدرش إنها تأخذ المقدرة إنها تسحب من المصارف لغاية الدور الثانى.

سرى للغاية

عبد الناصر: لغاية ما نتكلم فى المواضيع القديمة دى، وبرضه عايزين نبحث فيها بحث آخر الحقيقة، موضوع الأرض القديمة. وده برضه عايزين نأخذ فيه رأى أكبر عدد من الناس.. موضوع الأرض القديمة؛ لأن حكاية الأرض القديمة دى برضه حكاية بنسمع فيها كل سنة كلام ومابتعملش حاجه يا عبد المحسن! ليه أنا مش فاهم؟! هل مسئولية محددة أو المسئولية غير محددة؟! لكن النهارده أنا لا أتصور أن يبقى عندى مياه وماعنديش أرض، طيب وكنا بنعمل السد العالى ليه؟! وكنا بنعمل المرحلة الثانية ليه؟! كنا بنحط مثلا الـ ٤٠٠ مليون جنيه فى العمليات دى ليه!؟

عامر: إحنا حرارة السد مفروض توصل القاهرة امتى؟

أصوات: لا ده التيار يوصل قبل ٣ سنين.

عامر: إذا ما عندناش مشكلة بقى محطات كهرباء بالنسبة للأراضى.

أبو النور: أنا واخد فى الـ ٢١٠,٠٠٠ الروسى منها من السد العالى.

عامر: المحطات الحرارية؟

أبو النور: واخد من السد العالى أنا..

عامر: يعنى نقدر نأخذ من السد العالى، أو نأخذ من المحطات الحرارية من الفائض؟

أبو النور: أبدا.. واخد منها.. موجود.

سليمان: إحنا أنشأنا خطوط للسد العالى استعجلناها؛ علشان نعطي له كهرباء من أسيوط.

أبو النور: موجود، وأنا واخد من الـ ٢١٠ متر.

عامر: طيب إذا مش حايبقى عندنا فى الأرض الجديدة استثمارات فى الكهرباء، الكهرباء موجودة.

سرى للغاية

أبو النور: هي الخطوط الداخليه بس.

سليمان: هي شبكات فرعية.

عبد الناصر: هو العملية على النقد المحلى.

أبو النور: وبعدين دى مشكل دى بالنسبة للغرب متفق مع الروس عليها.

صبرى: هو الحقيقة الوضع اللى إحنا فيه النهارده..

عامر: ما تفرقش ياريس.

عبد الناصر: لأ.. طبعا ما تفرقش.

عامر: ما إحنا حانشتري بنقد أجنبى وحانصدر.. حانضطر نصدر.

صبرى: الوضع اللى إحنا فيه النهارده نتيجة إن احنا فى السنين الأولى من الخطة الخمسية الأولى استصلحنا بمعدلات بسيطة، وجينا زودنا فى الآخر. لو كانت العملية مشيت بمعدلات ثابتة، كنا النهارده دخل فى الاستزراع وفى الحديدية بـ ٢٠٠,٠٠٠ فدان على الأقل.

عبد الناصر: ما علش.

صبرى: ما نغلطش نفس الغلطة فى الخطة الثانية؛ إن أنا أمشى بمعدلات قليلة فى الأول وآجى أزود فى الآخر. فالخطة الأولى ماكانش عندى امكانية إن أنا أوصل لك ١٢٠,٠٠٠ فدان دى.

سرى للغاية

عبد الناصر: ما كانش فيه امكانية اصلاح.

صبرى: يعنى الأجهزة الفنية ماكانتش، لكن النهارده الأجهزة اكتملت فمانقش فى المشكلة دي تانى، والا فى سنة ١٩٧٢ حانق فى نفس ..

عبد الناصر: لكن إحنا عايزين نزود عن الـ ١٢٠,٠٠٠ .

أبو النور: إحنا مستعدين وعندنا الامكانية.

عبد الناصر: دلوقتى الـ ١٢٠,٠٠٠ يتكلفوا استثمار كام؟

أبو النور: الـ ١٢٠,٠٠٠ فدان \times ٢١٩ بما فيها ..

عبد الناصر: لأ.. إنت كاتب هنا ٥٦.. كاتب إن واخد فى الخطة كلها كام؟

محي الدين: مش \times ٣٠٠ يعنى!؟

عبد الناصر: ٧٩ مليون جنيه؟

أبو النور: نضرب \times ٢١٩.

عبد الناصر: لأ..

أبو النور: استصلاح وتعمير.

عبد الناصر: استصلاح عايز فى السنة كام يعنى؟ السنة اللي فاتت أخذت فيها كام؟

أبو النور: هو الاستصلاح بس بـ ١٢٠ جنيه للفدان.

سرى للغاية

عبد الناصر: ال ١٢٠,٠٠٠ فدان، أخذت كام السنة اللي فاتت؟

أبو النور: ال ١٢٠,٠٠٠ فدان، ما إحنا أخذنا أجزاء. إحنا كنا - فاكِر سيادتك - إحنا كنا دائما بنسرع بنأخذ بنعمل مساحات ماكناش بنبقى واخدين لها فلوس، وبنسد دائما من السنة اللي بعدها أولا بأول، وبعدين قلنا حانقف على هذا الكلام السنة دي مانعملش كده، فعلشان كده إحنا ماتوسعناش. هي بالضبط الحسبه بتاعتها ١٢٠ جنية لعمليات الاستصلاح، وبعدين ٩٠ جنية لعمليات التعمير؛ اللي هي طرق ومبانى وكل هذا الكلام.

عامر: ده نقدر نوفر فيه.. ممكن؟

عبد الناصر: ٢٠٠ يعنى؟

عامر: بدل ٢٢٠ نقدر ننزل لـ ٢٠٠.. ممكن ننزل لـ ٢٠٠؟

محي الدين: يعنى النقطة اللي بتبرزها إن الاستثمار فى الزراعة بيأخذ وقت طويل على بال ما يفتح، ومن المسلم به إن لازم طبعا نستفيد من السد العالى؛ المنطقة الهامة منطقة جاهزة كلها اللي هي بتاع الصالحية.

عبد الناصر: لأ.. أنا لى رأى فى موضوع الصالحية، بس عايز أتكلم.

محي الدين: آه.. وحاتيجى يمكن تغلى بعد ١٠ سنين؛ فإذا المناطق الجديدة اللي إحنا متصورينها مش حاتسعننا ولا فى ٧ سنين!

عبد الناصر: آه.. ما أنت دلوقتى..

محي الدين: تتعمل حساب السبع سنين.

عبد الناصر: التسع سنين دلوقتى وعشرة أو ١٥.. يعنى المهم إنك بتصعب المشكلة!

سرى للغاية

محي الدين: هنا بقى بيان تأثير الاستثمار على أوضاع أخرى بينحسب، يبقى لازم نقلل الاستثمار فى حاجات تانية أو نعمل أى موازنة معينة بالنسبة للسبع سنين.

عبد الناصر: وأنا يعنى اللى أنا متصورة إن نحسب الاستثمار زى ما نحسبه، ولكن بنزود الـ ١٢٠,٠٠٠ ماينقصهاش. احسبوا بقى الاستثمار زى ما انتوا عايزين تحسبوه، يعنى والا إيه؟!

محي الدين: يعنى لها أسبقية يعنى.

عبد الناصر: لأ.. أحسبوا عايزين تحطوا ٢٠٠ جنية فى ١٨٠ جنية فى الفدان تخلوها طرق ترابية، ماكانوا زمان مايعرفوش الأسفلت! ده الصعيد النهارده الطريق الرئيسى طريق ترابى!

أبو النور: إحنا ماشيين إلا شمال الدلتا بس أسفلت.

عامر: والله ما كنا نعرف الأسفلت كنا نمشى على طرق ترابية.. يعنى مش ضرورى أسفلت أبدا.

أبو النور: نعمل طرق ترابية، يعنى هى شمال الدلتا بس اللى بتبقى عملية صعبة جدا.

عامر: دى تدك يا عبد المحسن.

أبو النور: ماهو تعرف سيادتك الطريق اللى مشينا عليه إيه؟! مش حايقعد كثير، يعنى اللى إحنا عملناه عملناه طبقة ظلطية فى الطريق وبس!

عبد الناصر: يعنى مش مشكلة الطرق برضه، يعنى اللى أنا باقوله إن احنا مانزلش عن ١٢٠,٠٠٠ فدان، بنزود عن ١٢٠,٠٠٠ فدان وإلا نبقى الحقيقة بنعقد مشكلة لنا بعد سنتين وبعد ٣ سنين وبعد ٤ سنين. وتعالوا اختصروا فى عمليات الخدمات زى ما انتوا عايزين، لما نيجى نختصر فى عمليات التنمية الأساسية اللى هى الزراعة مش ممكن.. مستحيل!

عامر: بدون زراعة مش حايقى عندنا صناعة، بدون زراعة مش حايقى عندنا..

سرى للغاية

معى الدين: هو طبعا مشروع الصالحية كان متوقف على ٨٠,٠٠٠,٠٠٠ دولار، ودى مفروض ييحو بأى شكل من الأشكال. وأنا يعنى مش موافق عبد المحسن على إنه بنمشى وموضوع محطات الكهرباء ومحطات الرفع والحاجات دى كلها بيبقى يحلها رينا.. يعنى نحلها إزاي!؟

أبو النور: أيوه.. يحلها إزاي!؟ أنا مش حأقدر أصلح من غيرها.. مش ممكن.

سليمان: هو لازم خطة منسقه، بيبقى معمول حساب كل plot من الأرض؛ المياه حنوصلها، الرى حايوصلها، التعمير حايوصلها، الاستصلاح فى نفس الوقت..

أبو النور: هى ال plan موجودة.. ال plan كاملة.

عبد الناصر: ده شغلكم إنتوا بقى.. الوزراء فى اللجان.

أبو النور: ال plan موجودة كاملة.. كامل خالص يعنى، هى مثلا النقطة بتاع الصالحية لو سيادتكم حاتفتحتها، النقطة بتاع الاستثمار؛ أنا متهيألى إن احنا لو قصدنا الجماعة الروس فى استيراد شبكة الكهرباء والمحطات منهم، ممكن تحل المشكل، وخصوصا إنهم عملوا معنا هذه العملية فى ال ٢١٠؛ نفس المحطات ونفس الشبكة وكل حاجة وانفقنا عليها، حتى الشبكة اللي ماكانوش بيعملوها عملوها لنا ال ٣٣ كيلو فولت ماكانوش بيعملوها عملوها لنا ووافقوا معنا عليها.

معى الدين: هو مش رى بالراحة هناك والا لازمة وحدات رى؟

أبو النور: لأ.. فيه ٤٠,٠٠٠ رى بالراحة.

معى الدين: بس!؟ الباقي كله وحدات رى؟

عبد الناصر: دلوقتى ما تقدرش تزود المنطقة اللي فى الغرب يا عبد المحسن؟

سرى للغاية

أبو النور: الغرب.. إحنا واخدين كل الأرض جيرية بالكامل!

عبد الناصر: لأ.. المنطقة بتاع..

أبو النور: المنطقة بتاع الضبعة.. المنطقة بتاع الضبعة.. سهل الضبعة بنأخذه وبننوسع فى هذه المنطقة. إحنا بس كل البحث اللي إحنا بنعمله النهارده، إيه أرخص طريقة لتوصيل المياه لهذه المنطقة، لأن من بعد المنطقة اللي إحنا وصلنا لها لغاية العميد، منها لغاية الضبعة ما فيش أرض حاتزرع، حنأخذ مياه بس تمشى فيها. فأسهل طريقة بحيث إنها توفر لنا أقل مقدار من المياه علشان ما يحصلش فيه بخر كثير وبأقل التكاليف؛ هي دي اللي إحنا بنعمل فيها الدراسة النهارده.

عبد الناصر: وأنا اللي باقوله: هل نقدر نزيد من مساحة هذه المنطقة؟ بحيث أن أنا بأخذ.. بأطلع من.. طبعا واخذ فوكه وتتى لغاية ما أصل لغاية مطروح.

أبو النور: هي بس كل العملية سحب المياه.

عبد الناصر: وأنا فى رأيي أن هذه المنطقة أحسن من منطقة الصالحية.

أبو النور: طبعا.

عبد الناصر: وياريت نستغنى خالص عن منطقة الصالحية.

أبو النور: سيادتك شفت القمح اللي سيادتك شفته النهارده، والله أنا ماشفت فى الدلتا قده.. ماشفتش فى الدلتا قده .

عبد الناصر: المنطقة دي ماكانتش موجوده، أنا لما رحنت بالعربية ..

أبو النور: ماهو سيادتك اللي قايل لى عليها.

سرى للغاية

عبد الناصر: ولفيت فيها، وجبتك قلت لك إن..

أبو النور: فإكر سيادتك لما قلت لى عليها؟ قلت لى: خذ هيلوكوبتر وأطلع شوفها.

عبد الناصر: بالضبط.

أبو النور: وطلعت فعلا شفتها ورجعت.

عبد الناصر: بس ماكانش بقه.. أنا نزلت أنا وعبد الحكيم لفينا كل المنطقة دى.. المنطقة كلها.. وأرض؛ لأنى بأروح فى الشتاء بالأقى الأرض خضراء، لما بنروح دلوقتى فى الشتاء فى منطقة الصالحية مافيهاش حاجة أبدا!

أبو النور: هى أرض ممتازة.

معى الدين: لا.. الأرض ضعيفة بتاع الشرقية عموما خالص، أرض وحشه.

أبو النور: هى دون شك الصالحية أقل.

عبد الناصر: الرأى اللى باقوله.. نلغى الصالحية خالص.

معى الدين: أو جزء منها يعنى.

عبد الناصر: ماعلش لأ.. يعنى أصل أنا باقول إيه؟ نفرض فرض.. الغى الصالحية وتوسع فى الغرب، تقدر توسع فى الغرب بأد إيه زيادة عن خطتك الحالية؟

أبو النور: هو ممكن إن احنا نوصل لمائة ألف فدان كمان.

عامر: يعنى نتوسع على قد ما نقدر فى الغرب طبعا.

سرى للغاية

- عبد الناصر: لأ.. هم درسوا الأرض كلها.. قيموا الأرض.
- سليمان: عملية توصيل المياه.
- أبو النور: عملية توصيل المياه عايزين نبحتها بسرعة.
- صبرى: يعنى هى عملية توصيل المياه لازم تتحسب فى مقابل العشر سنين حانقعد مش حناخذ ولا مليم من أرض الصالحة.. أرض مالحة.
- أبو النور: مالحة ورمل.
- صبرى: أرض مالحة حاتكلفنى ٥-٦ مليون جنيهه مواسير علشان أوصل مياه.. مواسير أسمنت، تستاهل أن أنا ما قعدش ١٠ سنين أستنى.
- أبو النور: حاتكلف ٢٠ مليون جنيهه مشروعات رى عامة بس، بما فيها توسيع الاسماعيلية.
- عامر: طيب نعمل بيهم كام فدان فى الصالحة؟
- أبو النور: يعنى قطعاً دون شك إن مش ممكن أبداً إن احنا نوصل لعشرين مليون جنيهه دول فى المنطقة الغربية.
- سليمان: هى مشروعات الرى تدرس.
- محي الدين: هى ما فيش أرض كفاية فى البلد صالحة.. ده السبب نوضع..
- سليمان: الأرض الملحية اللي فى الاسماعيلية.
- عبد الناصر: لا لأ.. alright الاسماعيلية ما علش، إحنا ممكن نأخذ هناك ١٠٠,٠٠٠ فدان أو..

سرى للغاية

أبو النور: فيه ٤٠,٠٠٠ فدان احنا كنا داخلين على أساس إن احنا نمشى بيهم، ٤٠,٠٠٠ فدان لن يكلفوا شئ إلا محطة صرف واحدة.. ده الاسماعيلية.

عبد الناصر: دول نبتدى.

أبو النور: ممكن إن احنا نأخذ دول، وأنا كنت مدخلهم هنا أساسا، إحنا لازم نمشى بيهم فى الثلاث سنين دول، الـ ٤٠,٠٠٠ فدان.

عامر: مش معقول نمشى فى الأرض الصعبة وعندنا الأرض السهلة.. يعنى إزاي؟!

أبو النور: ما إحنا محتاجين لأرض قطعاً يعنى.. يعنى حاندخل قطعاً فى..

عبد الناصر: لأ.. بعدين إحنا نحسب توصيل المياه بس.. أنا رحى الضبعة.. رحى الضبعة.

أبو النور: هى دى أساسا، أرض ممتازة.

عبد الناصر: رحى الضبعة وشفت الزراعة اللي فى فوكه على الآبار.. ولفيت المنطقة دى كلها. وبعدين المنطقة دى ماكانتش داخلية فى المشروع خالص، يعنى أنا اللي جيت قلت لعبد المحسن: ماحدثش بيفكر نروح الصحراء الغربية خالص أصلاً يعنى، على أساس المسافة، إنها منطقة عسكرية.

عامر: وما فيش معلومات برضه.

أبو النور: ماحدثش فكر فيها خالص.

عامر: كله الدلتا أساس.. كل التفكير على الوادى.

عبد الناصر: لو قدرنا نزود المنطقة بتاعة الغرب، ونقل منطقة الصالحية؛ يبقى أحسن. دلوقتى انتوا عندكم مناطق للـ ١,٢٠٠,٠٠٠ فدان؟

سرى للغاية

أبو النور: موجودة مياه.

عبد الناصر: طيب.. اللى هى المياه اللى جاية من السد العالى - ١,٢٠٠,٠٠٠ فدان مياه -
فمطلوب منها أرض، هل عندكم فى الغرب أرض غير اللى انتوا وصلتوا لها دلوقتى؟
أبو النور: لأ.. فى الغرب لغاية الضبعة وفوكه.

عبد الناصر: فوكه، والا الضبعة بس؟

أبو النور: لأ.. الضبعة إحنا بالغين لغايتها دلوقتى، ما دخلناش فوكه خالص دلوقتى، حانبحث.

عامر: لغاية مطروح أحسن.

أبو النور: نبحث لمطروح وفوكه، ونشوف المياه وطريقة توصيلها وتكاليفها، يعنى هى أساسها هو
ده؛ نشوفها ونشوف تكاليفها إيه؟ ونقول عليها أد إيه؟ والله إذا طلعت أقل من الصالحية
أبدأ بها.

عبد الناصر: وتحسب فرق السنين طبعاً.

عامر: إذا وصلت المياه للضبعة يبقى منتهى، الموضوع بالنسبة لفوكه لأن فوكه قريبة من
الضبعة؛ يعنى قطعت أكبر مسافة.

أبو النور: طبعاً.. حته واحدة.

محي الدين: فيه أرض تانية كنا بنتكلم عليها؛ اللى هى جنوب الواحات الخارجة ياريس، وعاززة -
أظن بيدرسوها دلوقتى - وعاززة قناة على مسافة ٢٠ كيلو، والأرض دى كويسه جدا
يعنى.

أبو النور: وفيه نصف مليون فدان.

محي الدين: كويسه بالنسبة للمرتفعات، وبالنسبة لمأخذ المياه من البحيرة.

سرى للغاية

أبو النور: الحقيقه الارتفاع بسيط يعنى.. الارتفاع صغير.

عامر: فيها أرض كويسه وجاهزة.. دى تأخذ منين القناة دى؟ من المنيا؟

أبو النور: كان معمول على أننا نأخذ من بحيرة ناصر.

عبد الناصر: من ورا؟

عامر: ده مشروع قديم فعلا.. مشروع باريس.

أبو النور: إحنا عملنا الخرائط الكونتورية بتاعته وعملنا الـ .. للمسافة من هناك لغاية جنوب الخارجة وبنجهزها.

عبد الناصر: طيب شوفوا لنا الموضوع كله بتاع الاصلاح.. ورفع الأرض السنوية تبقى ١٢٠,٠٠٠ فدان أو أكثر. يعنى أنا متصور الحقيقه إن مياه السد العالى حاتبقى سنة ٧١ مثلا سنة ٧٢؟ تتوفر سنة كام مياه السد العالى؟

سليمان: موجودة.

أبو النور: لأ.. يعنى يتملى الحوض يعنى، ما إحنا بناأخذ منها.. هو بيتكلم على يتملى الحوض.

عبد الناصر: قصى المياه بتاع ١,٢٠٠,٠٠٠ فدان.

سليمان: باقول بتتصرف من السنة دى.

عبد الناصر: موجودة؟

سليمان: إحنا بنصرف السنة دى أكثر من حصتنا.

سرى للغاية

عبد الناصر: طيب يبقى إذا عايزين نعمل الـ ١,٢٠٠,٠٠٠ فدان فى السنة! (ضحك)

أبو النور: مش ٩ مليون أظن الزيادة! (ضحك)

صبرى: وتوصل الكهرباء كمان، السنة الجاية الكهرباء تسحب المياه كلها.

سليمان: لأ.. وهو حايعلها النهارده كلها؟! مش حايعلوها النهارده، يعنى مفروض إن احنا بنحجز كل الفيضانات اللي جاية، وبعدين بنفترض إن السودان مش حتأخذ حصتها بالكامل.

أبو النور: مش حاتقدر.. ومدخلين الـ ١,٥٠٠,٠٠٠ .

عامر: المياه موجودة.

عبد الناصر: بيبقى الحياض.. تم فيها إيه، وفاضل فيها إيه؟

أبو النور: الحياض فاضل فيها ١٥٠,٠٠٠ فدان.

عبد الناصر: يخلصوا السنة دى يعنى؟

أبو النور: حايستنى بس للسنة الجاية ٩٠,٠٠٠ فدان.

عبد الناصر: للاستثمار برضه والا لإيه؟

سليمان: هى أرض أصلها بتزرع كمان، يعنى الـ ١٥٠,٠٠٠ بعد السنة اللي فاتت مافيش حياض؛ بمعنى مافيش غمر حياض خلاص انتهى؛ فدلوقتى الأراضى اللي فاضلة دى بتزرع بالظلمبات، بس حايحسن ريبها.

أبو النور: بس مش كلها، فيه جزء لسه حياض.

سرى للغاية

- محي الدين: السنة دي؟
- سليمان: ماهى دي آخر سنة.
- أبو النور: فيه جزء لسه.. السنة الجاية فيه جزء ماخلصتش مشاريعها.
- سليمان: إحنا متفقين عليها مانديش.
- أبو النور: ما خالصتش مشاريعها.. مش معقول!
- عبد الناصر: ماهو برضه مش معقول إن يبقى فيه عندنا أرض حياض نقدر، دي حاتعطيك محصول أول سنة؟
- أبو النور: آه.. على طول.
- عبد الناصر: مش عايزين نؤجلها علشان استثمار على طول؛ يعنى الجنية اللي حاتعطيه يجيب لك جنية.
- صبرى: هى فيها مشاكل بس مسألة الظلمبات.
- أبو النور: هى مشاكل ظلمباتها اللي إحنا عملناها كحل مستديم، إن احنا بنقلب الارتوازى الى بحارى، وفيها الحلول الجزئية.
- عبد الناصر: هم جابوا ظلمبات مش ماشيه مع البوغوسلافى دي والا إيه؟
- صبرى: البحارى.. إحنا بنعملها هنا دلوقتى.
- أبو النور: بس مش كل الراحة.

سرى للغاية

سليمان: قبلى.. ده ما ينفعش ظلمبات هناك، عايزه سواقى.

عامر: وهى الظلمبه البحارى إيه؟ ماهى ساقية! ماهى بتاعة تتحط والماسورة على المجرى،
والماكينة بتشتغل!

سليمان: حتى هذا المكن حصل لها تكسير ومش عارفين يمشوها!

أبو النور: وبعدين الميكانيكى بيلطش منها حتة ويقول لهم عطلت، يعنى شغلانه لا أول لها ولا
آخر.

عبد الناصر: طيب ما تشغل ساقية.

أبو النور: بس على ما يوصلوا للساقية يافندم! ماجربوش عمرهم السواقى ولا دخلوش فى هذه
العملية. وبعدين لسه يعنى صناعة السواقى لسه مامشيتش معاهم. فكانت العملية بتاعت
الظلمبات عملية مؤقتة الى أن يقوموا هم بتدبير عملية الرفع بنفسهم، وفعلا النهارده
ابتدأوا فى هذه العملية.

سليمان: لا.. هو الارتوازى بيتحول الى بحارى.

أبو النور: هو الحل الأساسى النهارده إن احنا الارتوازى بنحوله بحارى، بنوصل الترع لغاية البئر
بتاعها وبتشتغل.

سليمان: برضه عملية مؤقتة.

عامر: بس ماحدش.. إن الشغلانة صعب قوى؛ الظلمبات عندنا بتتعمل فى المصانع الحربية.

أبو النور: بس الرفع لثلاثة متر .

سليمان: عاوز أوصل الـ mechanization لغاية قنا وسوهاج.

سرى للغاية

صدري: لأ.. يوصل.

عامر: مش عمال.

عبد الناصر: ليه.. ماهم عندهم ظلمبات من زمان.. عندهم من زمان؛ يعنى مش جديدة عليهم!

أبو النور: ماهى هى دى الظلمبات، استخدمناها إحنا.

صدري: يعنى دى units صغيرة خالص مبعزقه فى وسط..

عبد الناصر: آه.. يعنى نفس الملاك عندهم ظلمبات، وفيه ناس بيزرعوا طول السنة.

أبو النور: لأ.. وجزء كبير جدا كان بيزرع طول السنة.

عامر: بيعمل ماسورة كده وماكينه الحرث تشتغل مياه عليها.. ماكينه الحرث بتحرث وتشتغل مياه.. معروفة.

محي الدين: الأرض يتعمل ككل.. مجموعة توصل لحدية، ومجموعة..

أبو النور: موجودة بس مش هنا.

عامر: وإحنا عايزين الخريطة يا عبد المحسن.

أبو النور: للأرض؟

عامر: آه.. يعنى دى تساعدنا، الأرض الجديدة واللى وصلت الحدية واللى لسه بتستصلح، والأرض اللى فى الوادى بتستصلح أو اللى تبع الاصلاح الزراعى؛ بس نبقى عارفين توزيع الأراضي.. يعنى عايزين أكثر من خريطة متهيالى.

سرى للغاية

- أبو النور: حاضر.. حاضر.
- عبد الناصر: وعابزين نزود السنة دى الـ ٥٦,٠٠٠ فدان.
- عامر: حانزود يتهيالى من أول السنة الجديدة.. من أول الزراعة الجديدة.
- عبد الناصر: لأ.. بالنسبة للاستصلاح.. لأراضى الاصلاح من دلوقتى.
- عامر: علشان نبتدى السنة الجاية نزرع.
- عبد الناصر: لأ.. هى مالهاش دعوة بالزراعة، يعنى الاصلاح نزلنا من ١٢٠,٠٠٠ الى ٥٠,٠٠٠ فدان، مادام فيه الآلات وفيه..
- عامر: الآلات فيه والناس فيه والأنفار موجودة.. يعنى نجيب أنفار.
- سليمان: نربطها بمشروعات الري؛ لأن مشروعات الري بتأخذ وقت.
- عامر: حفر الترعة.. نجيب ناس تحفر ترع، المصارف.. نجيب ناس تحفر مصارف.
- صبرى: هو ما فيش حاجة مش ممكنه إنما هو المفروض إنه يتعمل synchroizes scheme يعنى بحيث لا نتعطل.
- عامر: ماهو زى ما قلت lot واحد، يعنى الأرض Unit واحدة؛ رى وصرف واستصلاح.
- أبو النور: الـ dam موجود، لكن هى عابزة يتحط لها وقت تنفيذ، خصوصا للمشروعات العامة بتاع الري؛ بيعطوا وقت طويل جدا فى العملية، يعنى بيعطوا محطة الصرف ٣ سنين.. يعنى أنا أعملها فى سنة.
- سليمان: لأ.. نحاول نختصر المدة.

عبد الناصر: ها.

أبو النور: فيه بقى الأرض الجديدة وطرق استغلالها.. وإحنا دخلنا فى الموضوع فى الدراسة اللي قدمناها على أساس قلنا بنستعرض العلاقة بين المصادر الأرضية والتزايد فى عدد السكان؛ بغرض الوصول الى كيفية تحقيق أكبر قدر من العدالة من عائد هذه الأرض. واستعرضتم فى الحيازة المختلفة واستغلال الأرض؛ سواء فى الد ج ع م أو غيرها من البلاد غير الرأسمالية، ومميزات وعيوب الطرق المتبعة فى استغلال الأرض فى ضوء التجربة المصرية، وإدخال الحافز الفردى بالذات فى تعريف إدارة الوحدات الحكومية إذا كان جزء حايدخل فى الناحية الحكومية. وطلعنا من هذا الموضوع إن عدد الأسر الريفية ٣,٣٨٠,٠٠٠ أسرة، المملك منهم ١,٥٣٥,٠٠٠ والمعدمين ١,٨٤٥,٠٠٠.

المساحات اللي بفرض حانتوزع لغاية نهاية الخطة ١,٠٠٠,٠٠٠ فدان، يبقى عدد الأسر اللي حانتستفيد ٢٠٠,٠٠٠ أسرة، يبقى فاضل ١,٦٤٥,٠٠٠ مش حايستفيدوا. فطلعنا من هذا بأنها الأرض دى كلها مجهود لكل العاملين خلاف الأرض المستولى عليها بالنسبة للإصلاح الزراعى. الأرض المستولى عليها بالنسبة للإصلاح الزراعى كانت مجهود الناس القائمين بزراعتها، ولذلك قلنا إنهم لهم حق فيها إنهم يأخذوها ويزرعوها ويتملكوها. الأرض الجديدة هى مجهود كل الدولة.. مجهود كل الشعب، ومهما عملنا حانوزع على عدد قليل والباقى برضه لا يزال جزء كبير لا يستفيد بهذه الأرض. ولذلك كنا بنقترح أن تتعامل هذه الأرض، مش زى معاملة توزيع أرض الإصلاح الزراعى القديمة؛ إن احنا نستغلها إنها تجيب أكبر عائد يستفيد منه كل الشعب، والطريق اللي يوصلنا الى هذا نتبعه دون أن ندخل فى التجربة بتاع الإصلاح الزراعى؛ اللي هى التوزيع على خمس فدادين وخلافه.

طبعا دخلنا فى طرق الإدارة بالنسبة للدول الأخرى وكلها معروفة، لكن رجعنا قلنا: الإدارة فى الد ج ع م كانت إما عن طريق الملكية وتنظيمها فى تعاونيات - زى الأرض اللي وزعت من الإصلاح الزراعى - أو الإيجار وتنظيمه فى تعاونيات.. بتوزيع بعض الأراضي برضه بطريق الإيجار أو مزارع للقطاع العام؛ ده اللي شغالين عليه كلهم الثلاث حالات دول دلوقتى. وأخذنا كل واحدة من دول وقلنا إيه مزايها وإيه عيوبها.

فقلنا بالنسبة للطريقة الأولى، اللي هى طريقة التوزيع.. التملك يعنى على حسب نظام الإصلاح الزراعى وجعله فى تعاونيات، إنه بيحقق زيادة فى الإنتاج تحت إدارة المالك عنها تحت إدارة المزارع الحكومية؛ بسبب الحافز الشخصى. تكاليف الإنتاج

سرى للغاية

بتقل فى الزراعة على الذمة عنها عن الإدارة الحكومية.. تقل فى المصاريف الإدارية التى تخص الفدان، وزيادة ساعات عمل المالك وأولاده وكفاءة هذا العمل، عن مايتجيب واحد تؤجره علشان يزرع. المالك فى وحدته الصغيرة أقدر على تحسين أرضه عن طريق الخدمة المستمرة، رغم أن الدولة بتساعده فى هذا الوقت برضه بحاجات كثيرة. استقرار المالك فى أرضه عامل أساسى فى تعميرها وتكوين مجتمع ريفى متكامل، وبعدين قلنا إن العائلات المستقرة فى الأراضى المملكة بتبقى برضه مصدر للعمالة فى الأراضى المجاورة لها.

عيوب هذه الطريقة.. إن العائد الذى يعود على الدولة منه عائد ضعيف، وتفتيت الملكية بسبب الميراث يجعل عدم إمكانية خدمتها وإنتاجها بالطريقة العلمية. التملك يقلل من مرونة الدولة فى تنفيذ السياسة الزراعية سواء للإستهلاك أو للتصدير، وبعدين تحتاج الأرض المستصلحة لعناية خاصة لا تتيسر مع المزارع العادى الصغير؛ ولذلك يخشى من عدم سرعة تجاوبها للوصول للإنتاج الكامل. ده عيوب نظام التملك للمعدمين، إحنا مسكنا الثلاث طرق اللى إحنا بنشتغل بها النهارده، وبنقول مزايها وعيوبها إيه.

من ناحية التاجير.. اللى هو برضه تاجير لصغار الملاك وجعلهم فى تعاونيات، برضه بيتيح الإيجار النقدى دخل للدولة يزيد عن التملك. يحقق برضه الحافز الشخصى للمستأجر، يضمن حل جزئى لمشكلة العمالة الزراعية فى المناطق النائية. يحقق مرونة فى السياسة الزراعية أكثر مما هى عن طريق التملك، ولو أنها ليست مرونة كاملة. يوفر فى المصروفات الإدارية، يكفل التخلص من المستأجرين الغير منتجين، ويمكن إدخال عناصر جديدة من المستأجرين بدلهم؛ يمنع تفتيت الملكية.. دى مزايها.

وعيوبه.. برضه مايعطيش المرونة الكاملة بقدر ما تكون هذه الأرض تحت إدارة الدولة، لا يحقق التاجير لمدة قصيرة فرصة لتحسين المطلوب فى صفات الأراضى المستصلحة؛ ولذلك يجب أن يكون التاجير لسنوات طويلة، تعذر التاجير لصغار الزراع لأنها تحتاج لإمكانات كبيرة للصرف عليها.

وبعدين القسم الثالث.. وهو زراعة الأرض بواسطة القطاع العام.. ميزتها مرونة تغيير السياسة الزراعية؛ سواء لمقابلة الاستهلاك أو التصدير، استخدام وسائل الإنتاج الكبير والبحوث العلمية وتطبيق النظريات العلمية فى زراعة الأراضى المستصلحة، القضاء على الملكية، توفير مساحات لإنتاج تقاوى منتقاه للدولة، إمكان توفير المحاصيل التصنيعية؛ مثل قصب السكر وبنجر السكر والكتان وغيرها من المحاصيل،

سرى للغاية

وكذلك التوسع فى الصناعات الغذائية مع ضمان مستلزمات لإنتاجها، إمكان توفير المحاصيل المجزیه للتصدير من خضر وفاوكة، وكذلك للاستهلاك المحلى لكى تمنع الدولة تحكم التجار فى الأسعار.

عيوبه.. ارتفاع المصروفات الإدارية، ارتفاع التكاليف للعمليات الزراعية نتيجة ما تقدمه الدولة من خدمات للقائمين بالعمل؛ يعنى مثلا العمال بنضطر نأويهم، نعالجهم، نرعاهم، نعمل لهم تأمينات؛ كل هذه عمليات جديدة حاتصرف فيها الدولة، التعقيدات المكتبية والبروقراطية، عدم توفر الحافز الفردى، عدم وجود الأعداد الفنية المتخصصة ذات الخبرة فى إدارة المزارع الحكومية الكبيرة.

دا مزيا وعيوب الثلاثة طرق المتبعة اليوم فى هذه العملية، قلنا إن احنا فى إدارة الأرض الحكومية، إذا كنا حاندبر جزء لابد من اتباع الأسلوب الرأسمالى فى إدارة هذه الوحدات. وإحنا بدأنا فعلا من السنة دى، إن احنا نحدد لكل مزرعة، يعنى قسمنا مناطقنا الى مزارع، والى مناطق والى قطاعات، وحددنا لكل مزرعة - حتى على مستوى المزرعة - هدف انتاجى وتكاليف بحيث إنه لا يتعدى هذه التكاليف ولا بد أن يحصل على هذا الهدف من الإنتاج. وفى الأرض اللى حتى ما بتزرعش - اللى هى مثلا بتتغسل أو بتتحسن تربتها أو الكلام ده كله - واضعين له هدف برضه الى أنها بتصل الى نسبة من الملوحة فى وقت محدد، وعاملين دلوقتى نظام للحوافز على أساس إن اللى بيحقق هذا الهدف بياخذ مكافآت.. اللى بيحقق أكثر من - من ناحية الهدف - بياخذ نسبة من العائد، واللى بيوفر فى التكاليف أيضا بياخذ نسبة من التوفير؛ بحيث إن احنا نعطى لهم حافز على إنه يقدر ينتج بأسرع وقت ممكن ويبقى فيه شئ للمحاسبة عليه. لأن عملية الزراعة لا يمكن بأى حال من الأحوال المحاسبة اليومية أو الجرى وراء الناس يوميا فى العمليات الزراعية. الإنتاج هو الذى يعطى الـ indication فعلا إن مشيت مع النظام الموضوع أم لأ. ودى طريقة مشينا فيها فى الشتوى اللى فات وماشية، وحطينا الدورة الصيفية فعلا ووزعناها الجمعة دى فيها كل هذه العمليات.

مشكلتنا طبعا فى هذه العملية؛ توفير عدد من المحاسبين لهذا الموضوع. وإحنا كنا تكلمنا مع السيد رئيس الوزراء فى هذا الموضوع، وأبدى أن كل المحاسبين الذين سيعينون هذا العام لازم نأخذ كفايتنا منهم أولا؛ علشان نقدر نمسك حساب للتكاليف صحيح وضعنا نظامه فعلا.

فإحنا مشينا بالنسبة للتحليل الاقتصادى لطرق استغلال الأراضى المستصلحة، والعائد على القطاع العام فى استخدام كل حالة؛ سواء فى الزراعة بالقطاع العام، أو التأجير فى وحدات تعاونية، أو التمليك.

سرى للغاية

فمسكنا الأراضى الملحية وحلناها، وأخذناها حللناها مراحل مختلفة؛ المرحلة اللى هى تحت الحدية للغاية ما توصل للحدية وهى خمس سنوات. وبعدين المرحلة اللى توصلنا للغاية الإنتاج العادى، وهى تصل من السنة السادسة الى السنة الـ ١١ بالنسبة للأرض الملحية. ثم المرحلة اللى توصلنا من الإنتاج العادى لأعلى إنتاج؛ اللى هو بتوصل للغاية ١٨ سنة. وبعدين وصلناها للغاية ٣٠ سنة؛ اللى هى اعتبار الفترة اللى بنقول عليها للتأجير، إذا كنا ناويين ندخل فى عملية تأجير، ونشوف الوضع بالنسبة للقطاع العام حايعطينا أد إيه فى هذه المرحلة وبالنسبة للتأجير حايعطينا أد إيه، وبالنسبة للتمليك حايعطينا أد إيه.

أخذنا المرحلة الحدية - اللى هى خمس سنوات فى الأرض الملحية - والقطاع العام عنده فيها مصروفات إدارية بسبعة جنيهات للفدان. والتأجير حايبقى فيه مصروفات إدارية ٣,٥ جنيه؛ اللى هى وجود الجهاز القديم بالإشراف من ناحية الجمعيات التعاونية وخدمة هذه المناطق، بيكلف ٣,٥ جم. ومرحلة التمليك مافيهاش مصروفات إدارية، المصروفات السنوية اللى هى للفدان علشان..

عبد الناصر: وأنت لما حاتملك مش حاتعمل جمعيات تعاونية؟

أبو النور: حاتعمل جمعية تعاونية لكن داخلة فى النظام العام تبع الدولة، ماهوش حتأخذ على الوضع بتاع التأجير. وضع التأجير حياضطر إن لابد أعمل وحدات زراعية صغيرة، وأعداد كبيرة من الجمعيات التعاونية على هذه الأراضى. وضع التمليك حاتبقى المساحات واسعة.. ماهيش حتحتاج إلا زى الأرض الجديدة، الأرض القديمة هى اللى حاتحتاج.

بالنسبة للمصروفات المتغيرة السنوية اللى هى المصروفات الزراعية فعلا.. واحدة فى كلا الحالات الثلاثة، وهى فى هذه المدة ١٤,٠٨٢ يعنى فى كل سنة. هذا متوسطها يعنى؛ يعنى بتقل فى أول سنة وتزيد وتزيد. إحنا أخذنا المتوسط بتاع خمس سنين. يبقى جملة التكاليف فى الفدان فى هذه الخمس سنوات بالنسبة للقطاع العام ٢١,٢٨٠، وبالنسبة للتأجير ١٧,٧٨٠، وبالنسبة للتمليك ١٤,٢٨٠. متوسط الإيراد السنوى فى هذه الخمس سنوات ٥,١١٠ فى الثلاثة؛ يبقى معناها متوسط الخسارة فى الخمس سنوات الأولى - اللى هم تحت الحدية - الخسارة السنوية ١٦,١٧٠ للقطاع العام، ١٢,٦٧٠ للتأجير، ٩,١٧٠ للتمليك.

سرى للغاية

الخسارة التى ستعود على القطاع العام ٨٤ جنيه فى الفدان فى هذه الخمس سنين. بالنسبة للتأجير لن يعود على القطاع العام لا خسارة ولا مكسب، ولا بالنسبة للتمليك مش حايعود على القطاع العام لا خسارة ولا مكسب، ليه؟ لإن احنا ونحن بنبحث هذا الموضوع قلنا: طبعا فى هذه المرحلة إذا أجرنا مش حنأخذ فى هذه الفترة أى إيجار؛ لأنها مرحلة فيها خسارة، ولا بالنسبة للتمليك حنأخذ الأقساط فى هذه المرحلة بتاع الخمس سنين؛ باعتبار برضه مرحلة فيها خسارة.. المالك بيصرف بس. فعلى هذا الأساس، حايبقى لو كانت بتتزرع بالقطاع العام فى مدة الخمس سنين حايخسر ٨٤ جنيه عن الفدان، لو كانت بتتأجر لا حايخسر ولا حايكسب، لو كانت بتتملك..

عبد الناصر: لكن المؤجر حايخسر يعنى؟

أبو النور: المؤجر حايخسر ١٢ جنيه فى كل فدان، والمملك حايخسر ٩ جنيهات فى كل فدان، لكن كدولة - بنبحث بالنسبة للمؤجر وبالنسبة للدولة كدولة - لاحتكسب ولا حاتخسر فى هذه المدة.

بالنسبة لمدة الإنتاج العادى - اللى هى من السنة السادسة الى السنة الحادية عشرة - المصروفات الإدارية هى؛ اللى هى الـ ٧,٥ جنيه والـ ٣,٥ جنيه اللى إحنا قلناها، من ناحية القطاع العام أو التأجير. المصروفات السنوية حاتبقى ٣٣ جنيه مصروفات سنوية على كل الحالات سواء قطاع عام أو تأجير أو تمليك؛ حايبقى جملة التكاليف للفدان فى السنة فى هذه المدة من ٦ الى ١١ سنة ٤٠ جنيه للقطاع العام، ٣٦,٥ جنيه للتأجير، ٣٣ جنيه للتمليك.

الإيراد السنوى فى المتوسط فى هذه المدة - من ٦ سنين الى ١١ سنة - ٥٧ جنيه فى الحالات الثلاثة؛ بيقى معناها صافى الإيراد أى العائد على القطاع العام فى هذه المرحلة - اللى هى من السنة السادسة للسنة الحادية عشرة - ١٧ جنيه حايعود على القطاع العام فى الفدان، ٢٠,٥ جنيه حايعود على المستأجر، ٢٤ جنيه حايعود من الفدان على المالك.

ببقى إجمالى العائد فى هذه الفترة ١٠٢ جنيه فى القطاع العام، ٤٥ جنيه للقطاع العام. أنا بأتكلم على إجمالى العائد على القطاع العام فى هذه الفترة؛ اللى هى حابتدى أخذ فيها إيجار من المستأجر وأخذ فيها قسط من المملك؛ حايعود على أنا ياقطع عام ١٠٢ جنيه نتيجة الزراعة الفعلية. أنا اللى بأزرع وأنا اللى بأخذ العائد كله..

سرى للغاية

حايعود من المدة من السنة السادسة لغاية السنة ١١، حايعود على نتيجة قسط الإيجار ٤٥ جنيه، حايعود على نتيجة قسط التملك ٤٨ جنيه.

وبعدين بأجى من السنة ال ١٢ الى السنة ال ١٨ أوصل للحد العادى للزراعة القديمة، حايحصل أن متوسط صافى الإيراد السنوى للمستأجر ٢٨,٥ جنيه، متوسط الإيراد السنوى للملك ٣٢ جنيه عن الفدان. يبقى إجمالى العائد على القطاع العام فى هذه الفترة ١٧٥ جنيه من الزراعة بالقطاع العام، ٩٨ جنيه نتيجة تحصيل أقساط الإيجار لغاية هذه الفترة، ٩١ جنيه نتيجة تحصيل أقساط التملك لغاية هذه الفترة.

وبعدين السنة ال ١٨ لغاية السنة ٣٠ - اللى هى عاملينها حد لعملية التأجير - حايديلى برضه متوسط صافى الإيراد السنوى للقطاع العام ٣٠ جنيه عن الفدان فى هذه الفترة من ١٨ - ٣٠ سنة، ٣٣,٥ جنيه يعود على المستأجر، ٣٧ جنيه يعود على المالك.

إجمالى العائد على القطاع العام فى هذه الفترة ٣٩٠ جنيه، ومن المالك ١٨٠، ومن المستأجر ١٨٠.

جملة العائد على القطاع العام من أول سنة لغاية السنة الثلاثين - بما فيها سنين الخسارة - ٥٨٣ جنيه نتيجة الزراعة بواسطة القطاع العام، ٣٢٣ جنيه نسبة تحصيل الإيجار، ٣١٩ جنيه نتيجة تحصيل الأقساط؛ دى العوائد المختلفة بالنسبة للأرض الملحية. طلعنا منها بنتائج؛ العائد على الدولة نتيجة استغلال الأرض بواسطة القطاع العام فى المدى الطويل يزيد عن العائد فى حالة التأجير والتملك. الميزة للتأجير والتملك هى توفير الخسارة التى يتحملها القطاع العام فى الخمس سنوات الأولى - مش حايعود عليه حاجة ولا حايصرف حاجة - يزيد صافى الإيراد بعد السنة السادسة فى الثلاث حالات؛ نظرا للخسائر فى الخمس سنوات الأولى.

فنقترح بالنسبة للتأجير.. التأجير للمستأجرين القادرين على الصرف، مع اتباع

ما يأتى:

- إعفاء المستأجرين من الأقساط والضرائب الإضافية، خلال الخمس سنوات الأولى اللى هو بيصرف فيها.

- يبدأ تسديد الإيجار من السنة السادسة، وتكون القيمة الإجمالية فى تزايد بعد السنة الخامسة كالاتى:

سرى للغاية

مقترح لها: ابتداء من السنة السادسة يبتدء القيمة الايجارية	٣ جنيه فى الفدان
السنة السابعة	٦ جنيه ” ”
السنة السابعة	٦ جنيه ” ”
السنة التاسعة	٨ جنيه ” ”
السنة العاشرة	١١ ” ”
السنة ١١	١٢ ” ”

وهكذا أى ١٢ جنيه لغاية مدة الإيجار .

- مقترح أن يكون مدة الإيجار وحجم الإيجار كالاتى: ٥٠ فدان لمدة ١٥ سنة حتى تغل عائد فى السنة متوسط ٢٧٥ جنيه، أى يعود عليه ٢٧٥ جنيه إيراد فى السنة من ٥٠ فدان.

٢٥ فدان لمدة ٢٥ سنة، حتى تغل أيضا ٢٧٥ متوسط فى السنة.

- فى حالة التمليك يكون البيع على أساس تكلفة الفدان الفعلية، دون احتساب قيمة خدمات المدارس والطرق والكلام ده كله، ويكون قيمة الفدان ٢٨٠ جنيه فى المتوسط.

- يبدأ دفع القسط بعد السنة السادسة، على ٣٠ سنة بفائدة ٣٪.

- العائد على القطاع العام من التمليك؛ إحنا بنفضل التأجير للأسباب الآتية:

العائد للقطاع العام من التمليك ينتهى بعد ٣٠ سنة، وبعد كدة الأرض حاتبقى لصاحبها، والقطاع العام حايفقد الصلة بها مش حاياخذ حاجة كدخل مباشر؛ حياخذ طبعا كإنتاج عام للدولة لكن كدخل مباشر يتقطع بعد ٣٠ سنة. فى حين إنه فى حالة التأجير حاتعود الأرض تانى للدولة أو تستمر فى تأجيرها؛ فحايطل العائد يعود عليها بصفة دائمة.

الحاجة الثانية إن احنا بنخشى من الناحية النفسية الموجودة عند الملاك النهارده، إن احنا نعطى له ٥٠ فدان ونقول له املكهم؛ نخشى التجاوب معنا إن أحد يأتى يتملك فى هذه الحال ويقول: والله بكره يخلوها ٢٥ فدان الحد الأعلى، بكره يخلوها كذا، حاصرف عليها وبعدين الآخر يأخذوها منى.. ما فيش داعى! فإحنا بنقول إن حالة التأجير بتعطى له إمكانية نفسية أكثر من حالة التمليك؛ باعتبار ده عقد عادل بيدفع ثمنه وإيجاره، وماشيه العملية على هذا الأساس.

حسبنا معدلات الاستثمار فى الحالات المختلفة بالفلوس الللى بيدفعها على هذه الأرض؛ علشان تجيب هذا الإنتاج، وتعطى له كام فى المائة كواحد بيستغل فلوسه، مادخلناش فى هذه العملية قيمة الأرض كتمليك؛ باعتبار إن قيمة الأرض موجودة وفى

سرى للغاية

ملكه ظلت كما هي، لكن ما دفعه فى الأرض، وما أخذه من إيراد فيها يشوفه يجيب له كام فى المائة..

فى حالة التأجير لمدة ١٥ سنة بيعطى له عائد ٦٪، فى حالة التأجير لمدة ٢٥ سنة بتعطى له عائد ١١,٥٪، فى حالة التملك بتعطى عائد ٣٢٪. فإذا على هذا الأساس هى مريحة فعلا سواء للشخص اللى يحب يستثمر فلوسه.. أكثر حاجة مريحة له هى هذه الأراضى سواء تأجيرا أو تملكا. على هذا الأساس إحنا حا يكون عندنا حوالى ٢١٤,٠٠٠ فدان من الأراضى الملحية، ممكن إنها تصرف ٢١٤,٠٠٠ فدان، بخلاف الأراضى السابق توزيعها أو التى بيعت.

صبرى: ١٤,٠٠٠ فدان؟

عبد الناصر: اللى بيعت واللى اتوزعت؟

أبو النور: لأ.

عبد الناصر: ٢١,٠٠٠ من الأرض الجديدة؟

أبو النور: من الأرض الجديدة.. منها قبل الخطة..

عبد الناصر: اللى هو مشروع أبيس؟

أبو النور: فيه أبيس وفيه كوم أمبو وفيه قوته وفيه كوم أو شيم والحتت دى، خلاف فيه بعض مساحات إحنا برضه بنقترح إن إحنا نظل نبيعها بالطريقة القديمة، ولو أننا يمكن أن إحنا نبيع مش بالربع.. بالمبلغ الكامل لأنها مساحات متفرقة؛ ده بالنسبة للأرض الملحية.

بالنسبة للأرض الرملية، الموقف فيها يختلف؛ لأنها بتصرف أكثر، لأن بالنسبة للأرض الرملية من ضمن..

سرى للغاية

عبد الناصر: أعطينا مثل دال للأرض الملحية والأرض الرملية.

أبوالنور: الأرض الملحية مثلا، المنطقة بتاعتها فى شهاب الدين وشمال الدلتا، كلها اللي إحنا واخدينها من البحيرات.. دى كلها الأرض الملحية، اللي هى أصلا أصلها بحيرات وطبقة مالحة وبعدين بننزل عليها الحياة.. نغسلها. وبعدين الآخر بنزرعها سنة بعد الأخرى.. هى دى الأرض الملحية. هى أرض طينية كويسة جدا، فيها اللي بيدى، بعض مناطق بسيطة فيها يعنى أرض طينية متماسكة بتأخذ علاج أكثر ووقت أطول شوية، لكن هذه الأرض من أخصب أنواع الأراضى قطعا، زى أرض الدلتا تمام، بمجرد ما بنشيل منها طبقة الملح انتهى الموضوع.

بالنسبة للأرض الرملية.. تكاليفها بتبقى أكبر لأنها بتحتاج الى جهد أكبر فى بناء التربة. الرملية اللي هى زى الأراضى بتاع جنوب التحرير، وبتأخذ وقت طويل فى بناء التربة، ولابد إن احنا فى الفترات الحالية بنضيف لها فى المتوسط ١٥٠ متر مكعب طمى فى مدة خمس سنوات، يعنى حوالى ٣٠ متر مكعب فى السنة؛ علشان نقدر نجعلها تتماسك وتقل نفاذية المياه منها فى الفترات بتاع الخمس سنين دى، دى بتحتاج الى صرف أكثر .

مسكنا برضه حللنا هذه العملية، بتحتاج هذه الأرض لمدة خمس سنين برضه الى أن تصل الى الحدية، وأخذناها المصروفات الإدارية هى هى برضه زيها زى الأرض دكها. المصروفات المتغيرة، شوف سيادتك بتوصل الى ٨١ جنيه فى السنة متوسط فى مدة الخمس سنين، يبقى متوسط التكلفة فى مدة خمس سنين ٨٨ جنيه وبتزرع من أول سنة، بس بتجيب إيراد فى المتوسط ٤٠ جنيه، يبقى فيه خسارة ٤٨ جنيه سنوى فى مدة الخمس سنين الأولى بهذه الأراضى.. ده بالنسبة للقطاع العام. حايبقى فيه خسارة بالنسبة للتأجر ٤٤,٥ جنيه، وحاتبقى خسارة بالنسبة للمالك ٤١ جنيه فى السنة. الخسارة فى فترة الخمس سنين على القطاع العام ٢٤٠٠ جنيه طبعاً بالنسبة للقطاع العام فى حالات التأجير أو التملك مش حايعود عليه خسارة هيوفر هذه الخسارة لأنه لا يأخذ ولا هيصرف.

بالنسبة للوصول الى الانتاج العالمى.. الوصول الى الانتاج العالمى فى المدة من ٦ سنوات الى ٨ سنوات، يعنى فى المدة من السنة السادسة الى السنة الثامنة، باعتبار أن تكون تربتها أنبتت. فدى بتتجاوب أسرع من دكها، المصروفات المتغيرة بتاعتها بتبقى تقل؛ لأن فى السنين الأولى بنضيف الطمى فببأخذ تكاليف الطمى، فى الخمس سنين التانيين - اللي هى من السنة الثالثة للسنة الثامنة - الخمس سنين

سرى للغاية

التانيين ببقى المصروفات المتغيرة الى ٥٥ جنيه فى السنة؛ يبقى مجموع المصروفات ٦٢، والإيرادات تزيد الى ٨٣ جنيه متوسط فى السنة، يبقى العائد على القطاع العام فى الفدان فى هذه الفترة ٢١ جنيه، والعائد على المستأجر ٢٤,٥ جنيه، والعائد على المالك ٢٨ من الفدان.

العائد على القطاع العام لغاية هذه المدة يعنى لغاية ٣ سنين يعود عليه ٦٣ جنيه فى السنة فى المتوسط، يعود على القطاع العام من المستأجر ٢٧ جنيه، ومن المالك ٢٤ جنيه نتيجة الأقساط اللى بيأخذها فى هذه الفترة. وفى المدة للوصول من الانتاج العادى لأعلى انتاج - اللى هى المدة من السنة التاسعة للسنة الـ ١٣ - حايبقى متوسط صافى الدخل السنوى فى القطاع العام ٢٨ جنيه، وفى المستأجر ٣١,٥ جنيه يعود عليه، وفى المالك يعود عليه ٣٥ جنيه.

العائد على القطاع العام لغاية هذه المدة يبقى ١٤٠ جنيه فى حالة زراعته بواسطة القطاع العام، ويعود عليه من المستأجر ٦٥ جنيه ومن المالك ٦٠ جنيه، المدة من ١٤ سنة الى ٣٠ سنة؛ لإن احنا بنوصل برضه الى السنة الثلاثين. حايعود على القطاع العام ٣٣ جنيه الدخل السنوى، ٣٦,٥ جنيه حايعود على المستأجر، ٤٠ جنيه حايعود على المالك. حايعود على القطاع العام فى كل الفترة - اللى هى من السنة الأولى لغاية السنة الثلاثين - ٥٢٤ جنيه، ده لو وزعها بنفسه، وفى حالة التأجير حايعود عليه ٣٤٧ جنيه، فى حالة التملك حايعود عليه ٣٣٩ جنيه.

عبد الناصر: غير مستمرة يعنى.

أبو النور: دا التملك بقى غير مستمر، طلعتنا بقى بالنتيجة إن خسارة القطاع العام فى المرحلة تحت الحدية أعلى من الخسارة فى حالة التأجير، وهذه أعلى من الخسارة فى حالة التملك، بفرق ما يتحملة الفدان من مصاريف إدارية. لا يتحمل القطاع العام فى حالتى التأجير والتملك أية خسارة خلال الفترة تحت الحدية. صافى الإيراد فى المرحلة فوق الحدية يتزايد فى جميع حالات الاستغلال، بنقترح تأجير الأرض لكبار الملاك حتى يستطيع الصرف على الأرض خلال مدة القسط، يبدأ سداد الأقساط بعد السنة السادسة.

بنقترح أن تكون مدة الإيجار ٥٠ فدان لمدة ٣٠ سنة، أو ١٠٠ فدان لمدة ٢٠ سنة؛ حتى يشعر بالاستقرار لمدة طويلة ولخدمة الأرض بحافز شخصى، خصوصاً وأنه سيدفع مبالغ كبيرة فى الأول علشان بناء تربة هذه الأرض.

سرى للغاية

القيمة الإيجارية اللى إحنا بنقترحها.. اعتبارا برضه من السنة السادسة -
الخمس سنين الأولى مافيش - بتبقى ٨ جنيه، وفى السنة السابعة ٩ جنيه، والثامنة
١٠ جنيه والتاسعة ١١ جنيه، والعاشر ١٢ جنيه، والحادية عشره ١٣ جنيه، والثالثة عشر
١٤ جنيه، وبعدين الرابعة عشر ١٥ جنيه ثم تستمر ١٥ الى نهاية الثلاثين سنة.
وبنشترط ضمن الشروط إنه لابد إنه يضيف ١٥٠ متر مكعب طمى للقدان فى
هذه الفترة بتاع الخمس سنين الأولى، علشان الأرض ماتتدهورش.
بالنسبة للبيع، بنقترح إن البيع يكون على أساس تكلفة القدان الفعلية بدون
خدمات، وفى المتوسط ٢٥٠ جنيه على ٣٠ سنة بفائدة ٣٪، معدل الاستثمار فى
الأرضى الريفية فى حالة التأجير لمدة ٢٠ سنة منخفضه جدا؛ طلع ٣,١٪.

عبد الناصر: فوائده؟ معدل إيه؟

أبو النور: معدل الاستثمار، يعنى الشخص اللى يأخذ فدان يصرف عليه لمدة الثلاثين سنة، يعنى
يدفع علشان يطلع انتاج، المبلغ اللى بيدفعه يعطى له ٣,١٪.

عبد الناصر: فائدة؟

أبو النور: فائدة، بس ده الكلام ده لمدة ٢٠ سنة، ولمدة ٣٠ سنة يرتفع الى ٣,٦٪، معدل
الاستثمار فى حالة التمليك ٨,٧٪، وهو معدل معقول خلال الثلاثين عام الأولى مع
اعتبار إن الأرض حانظل ملكه بعد كده وبياخذ منها عائد متزايد بعد كده. ولذلك إحنا
كنا بنقترح بالنسبة لهذه الأرض إن احنا نملكها أكثر منها إن احنا نؤجرها؛ لأن فى حالة
التأجير مش حاتعطى عائد كويس بالنسبة للناس.

سليمان: ما حدش حاؤجرها!

عبد الناصر: المساحات كام فدان؟

أبو النور: حاقولها لسيادتك.. المساحات بخلاف المباع والموزع، واللى إحنا بنقترح أن نحفظ به؛
إحنا بنقترح أن نحفظ فى هذه المساحات بمائه ألف فدان، ليه؟ مطلوب مثلا إن احنا

سرى للغاية

نعمل خطة زراعة أو إكثار موالح من ضمن الخطة، إكثار الموالح ويتم فى مثل هذه الأراضى. زراعة محاصيل الفول السودانى للتصدير أو للبذور الزيتية، تتم فى مثل هذه الأراضى؛ ولذلك كنا بنقترح إن احنا نحتفظ بمائه ألف فدان لمثل هذه الزراعات، ونوزع الباقى أو نبعث نبيع الباقى اللى هو الـ ١١١,٠٠٠ فدان، إحنا مادخلناش الصالحية.

عبد الناصر: هى الصالحية تدخل ضمن الرملية؟

أبو النور: جزء منها.. فيه ١١٠,٠٠٠ فدان رمل.

بالنسبة للأراضى الجيرية.. إحنا بنقول إن مافيهش أى مشكل، بنقول إن الأراضى الجيرية المصروفات الادارية - زى ما جاء فى الأراضى الثانية - ٧ جنيه القطاع العام ٥,٣ جنيه فى التأجير ومافيش فى التملك. متوسط المصروفات المتغيرة فى الخمس سنوات الأولى ٤٠ جنيه لكل، يبقى جملة المصروفات ٤٧ جنيه فى القطاع العام، ٤٣,٥ فى التأجير، ٤٠ فى التملك؛ يبقى جملة المصروفات فى السنوات الست الأولى ٢٨٢ جنيه فى القطاع العام، ٢٦١ فى التأجير، ٢٤٠. إحنا بنقول الست سنين اللى هى بتصل فيها الأرض الى الأرض القديمة؛ لأنها بتزرع على طول.

عامر: زى الوادى يعنى؟

السادات: اللى هى دى شمال التحرير؟

أبو النور: اللى هى شمال التحرير ومشروع ناصر والحتت دى. يبقى جملة الايراد فى هذه السنوات الست ٤٢٠ جنيه فى حالة القطاع العام والتأجير والتملك واحد. يبقى صافى العائد فى هذه المدة ١٣٨ جنيه فى الفدان فى حالة القطاع العام و ١٥٩ جنيه فى حالة التأجير، و ١٨٠ فى حالة التملك. يبقى العائد على القطاع العام فى هذه المدة ١٣٨ جنيه فى حالة الزراعة بواسطة القطاع العام، ٦٢ جنيه اللى هو بيأخذهم من المستأجر، ٨٩ جنيه اللى بيأخذهم من التملك.

عبد الناصر: ده فى أى سنه؟

سرى للغاية

أبو النور: فى السنة السادسة اللى بيأخذهم من التمليك، بنقترح إن الأرض دى مابنصرفش عليها و مابناخذش، يعنى ماتخسرش الدولة حاجة من أول سنة. وعلى هذا الأساس بنقول إن من صالح الدولة ألا تبيع أو تؤجر هذه الأرض، وأنها تزرعها لنفسها على أساس إنها تقدر تزرعها بالمحاصيل التصديرية، وخصوصا إنها كلها فى مناطق قريبة من موانئ التصدير. وفى نفس الوقت بتقدر تزرع ما تحتاجه للصناعات الغذائية، وبتقدر فى نفس الوقت تحتفظ لنفسها بكميات من المواد الغذائية تطرحها فى السوق فى الأوقات التى تحتاج أن تؤثر فيها على السوق بالنسبة للحاصلات الغذائية؛ ولذلك بنقول ان دى يجب أن تحتفظ بها الدولة فى يدها؛ لا تؤجرها ولا توزعها.

عبد الناصر: هو نقطة تحتفظ بها الدولة، ما هى كيفية احتفاظ الدولة بهذه الأرض؟ دى برضه حاجة مطلوب إنها تتقاس!

أبو النور: صحيح، إحنا السنه دى دخلنا فى التجربة - زى ما قلت لسيادتك - بالفعالية لعملية الزراعة بحساب تجارى رأسمالى سليم، محددين على حسب عمر كل أرض، وعلى حسب عمر كل أرض انتاجيتها تجيب كام مصاريفها كام. متحددة لكل شخص بينتج أو مسئول عن انتاج إن أدى مصاريف على أساس إنك تعطينى مثلا؛ مصاريفك مثلا فى القمح ١٨ جنيه على أساس إنك تعطينى أربع أرباب؛ فعلى هذا الضوء بنعمل حسبه وبنحاسب كل واحد على ضوء هذه الانتاجيه، وبنعطى له فلوسه فى يده. يعنى هو مايجيش بقة، كل منطقة لها منطقتها الحسابية اعتماداتها فى يدها، بيتصرف فيها فى يدها زى ما هو عايز؛ ماسكين لها حساب تكاليف على هذا الأساس.

أنا اتهيالى إن احنا لو مشيناها بهذا النظام، وعلى أساس اعطاء حوافز، من النهارده إحنا بنقول: لما نيحى نملك واحد أو بتؤجر لواحد بنقول إن عنده حافظ شخصى، مانيش عاوز أشغله بس كموظف.. كل النتيجة انه حياخذ خصم ٥ أيام، ولا ١٥ يوم لو ماجابش، أو لو أهمل أو كلام من هذا القبيل. أنا عايز أعطى له حافظ إن هو لو جاب هذه الانتاجية بيأخذ مكافأه معقولة، لو زود عليها وقلل برضه فى المصاريف الإدارية أو فى التكاليف بيأخذ نسبه من اللى بيطلع له أو نسبه من اللى بيوفره، ولو قل عن المحدد له، لابد أن تنقص مرتبه بنسبه مش حانصل طبعا الى النسبه بتاعت النقص اللى هو نقصه، لكن لابد أنه يشعر أنه نقص.

سرى للغاية

عبد الناصر: وقبل ده التنظيم.. تتظم على أى أساس؟

أبو النور: من ناحية التنظيم، إحنا نظمناها على أساس إن احنا نعطي لكل ١٥٠٠ فدان مهندس زراعى، ومعه الآلات اللازمة لزراعته، وعملنا لكل ١٠,٠٠٠ فدان منطقة، من ١٠,٠٠٠ الى ١٥,٠٠٠ على حسب كل حالة، من ١٠,٠٠٠ بيخدموا كل هذه المنطقة. وعملنا لكل ٥٠,٠٠٠ فدان قطاع.. قطاع مسئول عن ادارة كل هذه الـ ٥٠,٠٠٠ فدان. وهكذا يكون جهاز تخطيطى ومتابعه أساسا، كل منطقة بتأخذ على حسب الدورة الزراعية ومساحاتها التكاليف اللازمة لكل دورة؛ الشتوى أو الصيفى أو النيلى، بتأخذ التكاليف اللازمة لها، وتتأخذ معدلات الانتاج ويتناسب فى نهاية المدة الزراعية على هذا الأساس.

من ضمن الحساب أيضا الأرض اللي بتبنى تربتها، الأرض المفروض إنها تصل الى الحدية فى سنتين أو ثلاث أو أربع سنين؛ اللي يوصلها قبلها برضه بيأخذ مكافآت، اللي يتأخر ويوصل بعدها لازم يتحاكم. الأرض اللي بتبنى من ناحية العمر مفروض إنه سنتين مثلا يوصلها، اذا وصلها فى سنة بيكافأ، اذا وصلها فى أكثر يحاسب. على هذا النظام ممكن إننا نصل بالنسبة للقطاع العام الى شئ نجيب منه إمكانية أحسن بكثير. فيه حافز شخصى موجود توفر، فيه دراسة علمية سليمة من ناحية الانتاجية وهدف محدد من الناحية الانتاجية يجب إنه يصل إليه، فيه تكاليف محددة مش مفتوحة لأى واحد بيعزق على كيفه. يبقى فى هذه الحالة تقدر نصل الى أقرب ما يمكن الى العمل الفردى الرأسمالى.. أقرب ما يمكن إليه، قطعاً مش ممكن حانصل إليه لكن أقرب ما يمكن إليه.

الوضع ده يحتاج مننا الى امكانيات.. امكانيات توفير اليد العاملة التى ستشتغل فيه، إن احنا نتحرر جزئياً من ناحية التعيينات مثلا الموجودة حالياً.

عبد الناصر: أنا شايف العساكر بيشتغلوا تحت ضغط.

أبو النور: العساكر بيشتغلوا فى كل حاجة.. فى المطر وبيشتغلوا والله فى كل حاجة على طول.

عبد الناصر: هو لما تعطينا صورة أكثر.. مساحة الأرض دى إيه؟

سرى للغاية

أبو النور: مساحة الأرض دى ٢٥٢,٠٠٠ فدان.

عبد الناصر: من ال ٥٠٠؟

أبو النور: لأ.. حايبقى من ال ١,٠٠٠,٠٠٠، هو النهارده ١١٥,٠٠٠.

عبد الناصر: من ال ٧٠٠؟

أبو النور: النهارده من ال ٧٠٠ (١١٥,٠٠٠)، وهم كلهم الشوية اللى سيادتك شفتهم للغاية دلوقتى فى مريوط.

صبرى: ال ٢٥٢,٠٠٠ دول منزرعين؟

أبو النور: حايدخل عليهم ال ٢١٠ بتوع الغرب؛ فهم دلوقتى ١١٥ المنزرعين فعلا.

صبرى: المنزرعين فعلا ١١٥ من ٢٥٢؟

أبو النور: ١١٥ حايبقوا ٢٥٢ للغاية ٦٩ / ١٩٧٠.

عامر: آه.. المفروض، إنما المزرع فعلا ١١٥.

أبو النور: المزرع ١١٥.

الشافعى: يعنى بتحتفظ منها بأد إيه؟

أبو النور: كلها.

صبرى: ده اللى بنتكلم عليه.

سرى للغاية

- عبد الناصر: هي المنطقة اللي فى الغرب كلها كام؟
- أبو النور: هي حاتصل الى ٣٥٠,٠٠٠ فدان فى نهاية الخطة الثانية، وأنا حسبت بس للغاية ٧٠/٦٩.
- عبد الناصر: للغاية.. إحسب للغاية..
- أبو النور: للغاية نهاية السنة الثانية ٣٥٠,٠٠٠ فدان.
- الشافعى: تزيد ١٠٠ كمان على ..
صبرى: لأ.. مائتين.
- عبد الناصر: لأ.. ٢٥٠,٠٠٠ هي المنطقة بحالها.
- عامر: هو الحسابات هنا برضه مش عارف.. يعنى لما نمسك الأراضى الملحية، بتقول إنت مصروفات - مصروفات غير ثابتة متغيرة - ٧ جنيه، وبعدين متوسط جملة التكاليف السنوية للفدان ٢١ جنيه.
- أبو النور: أيوه يافندم للفدان، فى الفترة بتاع الخمس سنوات الأولى اللي هم تحت الحدية.
- عامر: هو الفدان بيصرف فى السنة ٢١ جنيه؟ يزيد.
- أبو النور: ما بنعملش حاجة.. حاقول لسيادتك: إحنا ما بنعملش حاجة أبدا يعنى للغاية ما يصل الى الحدية، ما بنحطلوش ولا كيلو سماد؛ لأن أى سماد يوضع فى هذه الأرض ضايع دون جدوى. بنزرع بمحاصيل تحسن من التربة لا أكثر ولا أقل؛ بنزرع برسيم وبترعاه الماشية بتحسن فى التربة، بنزرعه سماد، بأزرع شعير وهو يتحمل.
- عامر: أيوه.. بس الفلاح اللي حاتعطى له الأرض؛ سواء كان يعنى يستأجر أو يملك - يعنى على أى وضع - حايفصرف يعنى ٢١ جنيه بس؟

سرى للغاية

أبو النور: ما يصرّفش غيرهم بالنسبة لهذه الأرض الملحية؛ لأن أى تكاليف أكثر من كده خسارة.. مش حاجيب نتيجة!

عامر: يعنى ما يزرعش شعير عمليا بقّة؟!

أبو النور: أصلها مش حاجيب نتيجة، يعنى مهما أضفت مش حاجيب نتيجة؛ لأن الملوحة مش حاتعطى له أكثر من هذا، كل ما غسلت بقّة كلما حسنت.. هى دى الأحسن، كل ما أعطيت مياه وجعلت الطبقة الحاملة للملح تقل من ساق النبات كلما قدرت أصل لنتيجة أحسن.. لغاية أوصل لـ ١٢٠ سم.

عبد الناصر: الحل الوحيد للمنطقة دى إنها كلها تنزرع موالح.

عامر: مين حايرضى يأخذ إيجار أو..

عبد الناصر: تتعمل شركات وتتعمل مش فاهم إيه؛ لأن لما حاتقول لى حياخذ ١٪..

صبرى: مين حايرضى؟!

أبو النور: لأ.. اللى حياخذ ١٪ فى الرملى.

عبد الناصر: آه.. ده ٦٪.

أبو النور: لأ.. ده حياخذ كويس.

عامر: بس فين؟ بعد كام سنة؟!

أبو النور: لأ.. إحنا بنحسب له على المدة كلها.. لازم أحسب له المدة كلها.

معى الدين: لو بنحسب على واحد بيستهلك ٣٠-٥٠.

سرى للغاية

أبو النور: لأ.. خرينا على ٥٠ آه.

محي الدين: هو مجموع المبالغ اللى حايفرفها فى الخمس سنين الأولى على الفدان بتوصل ما بين ٢٥٠ جنيه؛ لأنه قال لى مرة: ٤٨ جنيه ومش عارف مره إيه.

أبو النور: لأ.. ما هى هى هنا أهه.

سليمان: ٤٨، والملح ..

محي الدين: ٤٨ - ٥٠ فى خمس سنين يعنى ٢٥٠ جنيه.

سليمان: فى الرمل.

محي الدين: فى الرمل.

أبو النور: سيادتك بتتكلم على الرمل، آه.. فى الرمل ٤٨.

محي الدين: ٢٥٠ × ١٠ ب ٢٥٠٠ × ٥ كمان؛ ببقى حوالى ١٥,٠٠٠ جنيه. مين بقى عنده ١٥,٠٠٠ جنيه علشان يصرف؟! دى نقطة يعنى أساسية.

أبو النور: لأ.. بس أنا عايز أقول لسيادتك حاجه..

محي الدين: اللى بيؤجر ده.. اللى جاى مستأجر وحاطعوى له ١٠٠ سنة.. بلاش.

عبد الناصر: وبعدين ما عندوش ثقة فيك! (ضحك) وحتأخذ منه الأرض تانى بعد ما..

عامر: لأ.. سواء كان مالك أو مستأجر.

عبد الناصر: مالك أو مستأجر آه.

سرى للغاية

عامر: هو بيقول على المالك بس.

أبو النور: لا والله المستأجر يمكن أحسن شوية.. يعنى المستأجر برضه أحسن، لكن المالك يعنى صعب.

محي الدين: لأ.. ده متهيألى المالك يمكن يستغنى عن الأرض يقول لك، لو أعطيت له ٢٥ فدان يقول لك فى الخط العام: يمكن، لكن المستأجر، ده راجل طيارى، يعنى عاوز سنة بسنة، فيروح يصرف؛ يقعد فى الأرض خمس سنين، ويصرف عليهم ١,٠٠٠ جنيه ولا ٥,٠٠٠ ولا ١٥,٠٠٠ جنيه، وحايجبهم من أين؟!، إلا اذا كان..

عامر: نفترض إن عنده، بس اذا كان الايراد..

محي الدين: إذا كان عنده ماحاتروحش، أنا باقول لك المبلغ ١٥,٠٠٠.

عامر: الفدان فى السنة حايجيب له ٢٠ جنيه، بعد كذا سنة ما تستاهلش المجهود! يعنى الفدان مايجبش ٢٠ جنيه!

أبو النور: بالنسبة للرمل بيحيب ٤٠ جنيه.

عامر: والرمل ده.. إحنا متفقين نتكلم..

أبو النور: هو بيتكلم على الرمل - الاستاذ زكريا محي الدين بيتكلم على الرمل - بيتكلم على الرملى.. هو صرفه كثير حقيقى فى الخمس سنين الأولى دون شك حايجيب طين.. صرف كثير جدا؛ حايصرف على الفدان ٨١ جنيه.

عبد الناصر: لما تزرع موالح حايجيب طين برضه؟

أبو النور: ماهو لابد حتى على الأقل منطقة الجورة، علشان أقل بقعة من ناحية العملية دى بقة؛ أقوم آجى فى الجورة وأحط لها بس، وبقية الأرض ما أحطهاش؛ بتوفر الرى وتوفر الطمى، والباقى مايتهميش.

سرى للغاية

- محي الدين: وبعدين إذا كانت حايأخذ ١٠٠ فدان..
- عبد الناصر: أنا شايف والله ما فيش حاجة.. أنا شفت بطيخ وسودانى.
- أبو النور: السودانى أحسن والسّمسم.
- عبد الناصر: فى الخطاطبه.. ولا طين ولا حاجة ولا كلام من ده.
- أبو النور: أحسن أراضى تجيب سودانى وسمسم، كانوا بيعتمدوا أولاً على الطمى بتاع مياه النيل.
- عبد الناصر: لأ.. هو المنطقة دى ولا فيها طمى ولا حاجة، أنا بقيت أعرف الرمل، الرمل الأبيض ده بيزرع فيه البطيخ والسّمسم والفول السودانى.
- أبو النور: بيطلع، بيطلع، كل ما أعطيناها طمى كل ما تجيب أحسن.
- عامر: زى أرض المعمورة بتطلع برضه بطيخ.
- عبد الناصر: أرض المعمورة لأ.. دى جيرية.
- عامر: دى رمل؟
- عبد الناصر: لأ.. جيرى.
- أبو النور: أرض المعمورة جيرية.
- عبد الناصر: دى أحسن أرض جيرية، ودى اذا وجدتوا مياه وحطيتوا .. بتطلع.. يعنى بتطلع، لكن..
- عامر: هو ما فيش إغراء كفاية.

سرى للغاية

أبو النور: ما هى الرملية أنا أعطيت لسيداتك مثل إن متوسطها بتجيب ٤٠ جنيه إيراد فى السنة من أول سنة، بتجيب ٤٠ جنيه فى السنة من أول سنة.

عبد الناصر: الجبرى؟

أبو النور: الرملية، لكن الصرف عليها بيبقى كثير لمدة خمس سنين.

صبرى: ما هى الحسبه دى متهىالى نظرية، يعنى نمسك الناس.. عملوا إيه؟ اللى بيروح يزرع فى أرض رملية لازم حايزرع موالح.. يعنى فاكهة.

أبو النور: حايزرع بعد ثالث سنة.

صبرى: ما حياخذش محصول إلا بعد ١٠ سنين، يعنى ما نقدرش نحسب الا بعد خمس سنين حايبتى يأخذ حدية وبتاع.

أبو النور: لالا.. أنا عايز أقول لسيداتك حاجة.. لالا.. فيه فرق أنا بأزرع موالح و.. وإن ماكنتش أزرع تحت الموالح.. مايمكنش، لازم أزرع تحت الموالح.. ودى معقول!

صبرى: ودى ما بتجيلوش حاجة؟

أبو النور: لأ.. بتجيب كويس قوى.. بأزرع بطيخ تحت الموالح، بأزرع فول سودانى تحت الموالح، بأزرع سمسم تحت الموالح.

صبرى: بيقد يصرف عليها ١٠ سنين!

أبو النور: بيصرف، لكن بأجيب ايراد قطعاً.

صبرى: يتوازن من ٨ - ١٠.

سرى للغاياة

- أبو النور: قلنا فيها خسارة.. ماقلناش لأ.. قلنا فيها خسارة بتاع ٤٤ جنيه فى الفدان!
- عامر: الأيدى العاملة مش موجودة زى الأول، أيام الملاك ما كانوا بيستصلحوا أرض، كان الأيدى العاملة رخيصة.
- أبو النور: طبعا كانت الأيدى العاملة رخيصة، وكانوا بالكرباج بيشغلوهم وانتهى الموضوع.
- عامر: دلوقتى ما فيش.. يعنى لما تيجى فى المنطقة الغربية دى، فمن أين الأيدى العاملة؟! اللى حاتمكه أو حاتوَجِر له حايجيب من أين أيدى عاملة؟ فيه صعوبات يعنى.
- أبو النور: لأ.. ما هى دى صعب جدا.. يعنى قطعاً فيها صعوبات من ناحية الأيدى العاملة.
- عامر: صعوبات من ناحية توفر الأيدى العاملة، و يعنى اغراء مش كافي.. يعنى لو فيه ماحدش يروح فى آخر الدنيا.
- عبد الناصر: نعطى لهم فلوس.
- عامر: نعطى لهم فلوس إزاي! ما إحنا عايزين فلوس.
- عبد الناصر: يعنى أوَجِر له الفدان وأعطى له ٥٠ جنيه.
- عامر: وبعدين آخذ إيه أنا؟!!
- أبو النور: ما هى دى سلفه.
- عبد الناصر: أعمل له اغراء.
- عامر: لأ.. مش اغراء.

سرى للغاية

محي الدين: مش عاوز أخش فى اقتراحات.. لأ.. هو مفروض يقترض من جمعية تعاونية أو من بنك أو كده ويساند المستأجر، ومش ضرورى يأخذ كمية الأرض الكبيرة دى يعنى يأخذ حاجة بسيطة ويشغل على هذا.. ده الموقف. هو حايصرف أقل من القطاع العام، يعنى هنا بيقول ٧ جنيه المصاريف، أنا باقول إنه حايصرف أكثر.

عامر: ٧ جنيه.. حاسبينها.

عبد الناصر: هى كل اللى صلحوا أرض قبل الثورة - وكان بيتصلح بمعدل ألفين أو ثلاثة آلاف فدان فى السنة - وكلهم كانوا بيقترضوا؟!

أبو النور: طبعا.. كلهم كانوا بيأخذوا من البنك العقارى ومن البنوك.

عبد الناصر: ماحدش يعنى دخل فلوسه؛ فؤاد سراج الدين والجماعة دول؟

عامر: لأ.. كان بيدخل ويدور فلوس.

عبد الناصر: ما يعملش مكسب ٦٪ زى ما بتقول، لأ.. على أكثر.. بيحسب على أكثر، وإلا ما بيدخلش؛ لأن هو يقدر يشغل فلوسه كان فى أى سهم ويجب أكثر من ٦٪.

أبو النور: مش عايزه شك.. مش عايزه شك.. ما هى بالنسبة للأرض الرملية هى أتعب حاجة.. يعنى أتعب حاجه فعلا فى الاستغلال.

الشافعى: اللى ماصرفش ما صلحش.

عامر: لأ مش ما صلحش.. الحكومة بتوصل له الرى وتوصل له الصرف، وتوصل له الطرق، وهو بيقترض، يعنى كل التسهيلات موجودة فهو بيتغل الحكومة كلها.

عبد الناصر: بيقترض وما يسددش!

سرى للغاية

محي الدين: يعنى هى النقطة، يعنى هو اللى حايأخذ المدخرات القومية فى هذه الحالة، كأننا إحنا اللى بندفع له الاستثمار فى استزراعها فى هذه الحالة. وهو كانت الفكرة الأساسية إنه هو يدفع من جيبه المدخرات الأخرى، علشان نخلص من الـ ٢٠٠,٠٠٠,٠٠٠ جنيه بتوع الزراعة، لكن أنا فى تقديرى إن دى صعب!

عامر: نعطيها له قروض بيقى ما عملناش حاجة.. إذا عملنا قروض بيقى ما عملناش حاجة!

أبو النور: طيب ما نقدر نعمل قروض جزئية.

سليمان: نعمل قروض جزئية، بس هو اللى حايصرف.

أبو النور: يعنى قروض جزئية اذا كنا إحنا حانكلف الفدان ٨٠، هو حايكلف الفدان ٨٠، لو أعطينا له مثلا فى حدود ٢٠ فى حدود ٣٠، وهو حايصرف الباقي من جيبه.

محي الدين: ده صحيح.. يعنى هو ممكن شوية..

أبو النور: وهو حايرجعهم.. يعنى يرجعهم بأقساط.

عبد الناصر: ده على أساس مستأجر ولا مالك؟

أبو النور: على أساس.. بالنسبة للأرض الرملية مش ممكن إلا مالك، مستأجر مش حايمكن.

عبد الناصر: هه.

سليمان: هو فيه نقطة يافندم.. يعنى الأرض بتوسع علينا.. على امكانياتنا فى الاستزراع. يعنى أنا رحنا المنطقة بتاع شمال الدلتا، لاشك أن الأولاد اللى هناك بيعملوا المستحيل، انما امكانياتهم مهما كان ما تقدرش تغطى كل المساحات اللى بنتزايد عليهم شهر بعد آخر، لازالت برضه المزرعة الحكومية تحتاج منا الى تجارب كثيرة؛ حتى نصل الى المستوى المطلوب.

سرى للغاية

المذكورة دى بتعطينا اتجاه.. بتقول لنا إن الإيراد من المزرعة الحكومية إذا وصلنا بها الى مستوى الادارة المطلوب؛ وده اللي لم يتحقق فعلا فى خلال الـ ١٤ سنة اللي فاتوا.. دى لازم نعترف بها اعتراف تام. برضه لازم نقول إن الفلاحين بيعتبروا إن المال العام مباح، يعنى الفلاح مبيسرقتش من زميله، من جاره إنما بيلهف من الحكومة! فنجد إن نسبة المحاصيل فى المزرعة الحكومية أقل كثيرا منها من مزارع الفلاحين.

لكل هذه الاعتبارات علينا إننا نجرب جميع الوسائل، زى ما قال الأخ عبد المحسن: الأرض الرملية لا يمكن إنها حاتعمر إلا بالتمليك، ولازم يكون واحد عايز يتسلى.. واحد مجنون! يعنى إيه اللي يخليه عنده قرش يحطه فى صندوق استثمار، إنما فى ناس غاوية إنها تتملك، ويقول: أروح، وانقطع ١٠ سنين فى الأرض دى وأصلحها على أساس إن أولادى بعد كده.. يعنى ده الاحساس بتاع الناس اللي بيخليهم يقبلوا على التملك، بالرغم من الظروف المضادة لعملية التملك.

عملية الايجار لازم تكون طويلة المدى، ولازم لما واحد يروح - ومفروض انه واحد مش فلاح صغير ما عندوش قدرة على تحمل الخسائر سنة بعد سنة - إنما واحد مفروض إنه ينقطع للعمل هناك، ويعيش فى المنفى مدة طويلة بحيث إنه بعد كده يستريح. يعنى الحسبة اللي حاسبها الأخ عبد المحسن، يعنى الواحد يأخذ ٢٧٥ جنيه فى السنة، بقعة واحد خريج زراعة النهارده لو راح دخل الحكومة حياخذ الـ ٢٧٥ من أول يوم ويقعد على المكتب ولا يعملش أى حاجة!

فالعلمية بتوسع علينا، اقتصاديات المزرعة الحكومية علينا إننا نعمل فيها تجارب كثيرة جدا مش تجربة واحدة. يعنى ده اللي قاله الأخ عبد المحسن من سياسة الحوافز.. ده سبيل، إنما برضه ماوصلناش الى النتيجة اللي إحنا بنرجوها؛ لأن الزراعات الحكومية فى العالم كله فشلت فشلت فشل كبير! عندنا مساحات كبيرة فى سبيل نستغلها النهارده استغلال كامل، وبتزيد علينا، يعنى كل ٣ شهور بيزيدوا خمسين ألف فدان، وبعدين مش قادرين إحنا نجد قوى عاملة كافية تروح هناك، وبعدين مشاكلهم لا حد لها.

عبد الناصر: هو ما نقدرش نقول إن الزراعات الحكومية فشلت فى العالم كله.. فشلت فشل كبير جدا.

عامر: لأ مش كله.. ما نقدرش نقول عليها فشلت.

سرى للغاية

عبد الناصر: يعنى مثلا.. لما تروح أوزبكستان، وأنا رحى أوزبكستان وشفى المزارع الحكومى هناى على الرى، ما أقرش أقول إنها فشلى، يعنى ده كلام جراند، مايتقالش أبدا الكلام ده.

عامر: ماأدش يقدر يقول عليها فشلى.

عبد الناصر: ما يتقالش أبدا الكلام ده.. إن المزارع الحكومى فشلى، قل: إن مديريه التحرير فشلى بأقول: آه.. جايى تقول إن مديريه التحرير فشلى.

عامر: لأ دى جايى.. بأقول عليها جايى.

عبد الناصر: لأن إنت بتعتبرها دى المزارع الحكومى.

سليمان: أنا بأقول على روسيا.

عبد الناصر: روسيا، العملىه بالنسبه للمطر أكثر منها نسبه للمزارع الحكومى. شفى فى يوغوسلافيا مزارع حكومىه وشفى فى روسيا مزارع حكومىه تروى بالراحه، وأعتقد إنكم رحتوا أوزبكستان وشفى اللى بتروى بالراحه. لا يستطيع انسان فى العالم إنه يقول إن هذه المزارع فشلى وإن المزارع الحكومىه فشلى!

عامر: لأ.. مش فشلى، هو مستوى الزراعه فى الدول الرأسماليه أعلى طبعا من المزارع الجماعيه دون شك، انما مافشلتش، وإلا ماكنوش أكلوا. وبعدين لو تمسك حتى الكتله الشرقيه، أمريكا النهارده بيزرع فيها مين؟! مش فلاحين؛ أمريكا بتبقى الرجل وعيلته والجرارات والـ mechanization وبيشغلوا، يعنى ما بقاش نتيجه عمل سنين طويله، وتجارب، وبعدين ما هو ما فيش فلاحين كمان، يعنى ايد عامله مش موجوده.

عبد الناصر: أنا شفى فى أوزبكستان، أنا ما أعرفش إنت رحت أوزبكستان والا لأ؟

صبرى: همه عندهم.. بيفرجوا عليه.. أنا رحت الأرض الجديده.

سرى للغاية

سليمان: ده باعترافهم.

صبرى: اعترافهم لأ.. إحنا ناقشناهم هناك.

عبد الناصر: ماراحش روسيا.

أبو النور: إحنا رحنا فى سهل الجوع.

عامر: الزيارة الأولى راح معاك.

عبد الناصر: يعنى ما نلونش الصورة على أساس إن الناحية الجماعية والناحية الحكومية فاشلة؛ وبهذا نتجه الى التملك، يعنى الحقيقة بيبقى..

سليمان: أنا بأتكلم على الرمل بس.. يعنى إحنا مرينا بظروف..

عامر: لا.. وإحنا مانضريش بالأرض اللي قال عليها عبد المحسن دى أبدا.. الأرض الجيرية دى - زى ما قال عبد المحسن - الحقيقة الصورة دى تبين إن احنا مانقدرش نملكها، دى أرض بتعطى عائد على طول من أول سنة، بس نعملها system.. مش عايز شك.

أبو النور: يعنى هى تحتاج الى system ، أنا زرت تقريبا الكتلة الشرقية كلها، وشفت المزارع الحكومية فيها، والغالبية رايحة النهارده للمزارع الحكومية وفى البلاد اللي مش رايحة. يعنى باقول إن يمكن روسيا بتعتمد على نفسها صناعيا شوية بيقوم اقتصادها، فى البلاد الثانية اللي أنا رحتها - بلغاريا وألمانيا الشرقية وخلافه - قائمة على الزراعة النهارده أساسا، غالبية أرضها بتدار النهارده زراعة حكومية، وجايبة انتاج كويس جدا ومقومة اقتصادها وبيزيد اقتصادها سنة بعد الآخر. دون شك هذه العملية موجوده وواضحه، بس بيوضع لها system وتدريب لكادر سليم، هو ده الطريق.

سليمان: علشان نحسب اقتصاديات أى مزرعة، لازم نعرف المصاريف أد إيه والإيرادات إيه.

سرى للغاية

أبو النور: ده أساسى.. ده أساسى مش عايزه شك، وإحنا قلنا لا بد إن احنا نعطى نفسنا شوية إمكانيات؛ يعنى إحنا النهارده دون شك إن احنا ما عندناش الخبرة الكبيرة فى ادارة الأراضى الكبيرة لكثير من الناس، الزراعين مثل، ليه؟ لإن احنا ماكانش عندنا أحد، النهارده لا بد أن نستعين بالناس اللى أصلا مثلا.. وفيه ناس، سيادتك شفت منهم ناس جنبناهم إحنا من بره. راجل كان واخذ أرضه وبيزرعها لنفسه، متخرج من الزراعة، ومن يوم ما تخرج بيزرع أرضه لنفسه وكان ماشى، وجبناه وشغلناه عندنا.. بنقدر. يعنى لازم يعطينا الامكانية إن احنا نجيب مثل هؤلاء الناس، إالى أخذوا خبرة عملية ندخلهم معنا فى هذا الموضوع، لأن اللى أنا حأخذهم من وزارة الزراعة عمره فى حياته ما قعد أكثر من المكتب، ما يعرف حاجة!

إذا لا بد انى أجيب هذه الخبرات أدخلها عندنا، ويسمح نظامنا على هذا الأساس، ولا بد أننا ندخل الحافز، ولا بد من أننا ندرب هذه الكوادر أساسا. يعنى أنا بعثت اللى سيادتك كنت قلت لى أبعث عدد لروسيا، أنا بعثت ناس تتدرب فى المزارع الحكومية تدريب كامل؛ مهندس الرى مع بتاع الرى، مهندس الزراعة مع بتاع الزراعة، وأصل للرجل بتاع الحسابات وإزاي يمسك حسابات التكاليف، وإزاي بتدار المزرعة هناك؛ لأن هذه العملية إحنا بنفتقر لها، فإذا لا بد إن احنا نتعلمها، وبعدين בניجى نعلمها لبقية الناس هنا. لا بد هذا الطريق نسيرفيه بهذا الوضع، ومع تحقيق أهداف ومصروفات واضحة بإيرادات واضحة نقدر نمشى، مع حوافز، لا بد من الحوافز تمشى مع الموضوع؛ علشان يبقى فيه الحافز الشخصى للناس إنها تجيب نتيجة.

محي الدين: أنا عايز أقول حاجة: إن فى الحدود اللى اتكلم فيها عبد المحسن بخصوص الأرض الحكومية - هو حدود ١٠٠ ألف فدان - والحقيقة إحنا محتاجين الى تجربة جديدة غير التجارب الخاصة بمديرية التحرير والقطاع الجنوبى، لأن العملية دلوقتى أصبحت..

عبد الناصر: هو مديرية التحرير كام؟

أبو النور: هى وسعت دلوقتى بقت ١٢٠,٠٠٠.

عبد الناصر: لأ.. القطاع الجنوبى.

سرى للغاية

محي الدين: بتاع ٢٥ ألف فدان على ما أذكر.

أبو النور: القطاع الجنوبي أخذناه ١٤ ألف فدان.

عبد الناصر: كام دلوقتي؟

أبو النور: ١٢٠,٠٠٠ فدان.

محي الدين: فأنا عايز أقول إن احنا محتاجين أيضا لهذه الأرض في عملية التقاوى، لأن لغاية النهارده فيه مشكلة لإكثار لازالت موجودة، ويمكن الأرض دي تساعدنا الى حد كبير في موضوع الإكثار.

عبد الناصر: موضوع الإكثار ده ممكن يبقى..

سليمان: ماهو حاجز ١٠٠,٠٠٠ فدان وأكثر، مش شايف فيه صعوبة لغاية دلوقتي.

عامر: هو لازم تأخذ في محافظات مختلفة.

عبد الناصر: يعنى فيه مزارع مخصوص للإكثار؟

أبو النور: موجودة.. حددناها فعلا.

عامر: أخذوا فعلا من الأرض بتاع الحراسة الجديدة.

أبو النور: بس الحراسة كلها اللي أخذناها ٤,٠٠٠ فدان، الباقي متفتت؛ ماهو أنا مش ممكن أقدر أخذ؛ الباقي متفتت، أنا أخذت ال lot اللي هو خمسين فدان فأكثر.

محي الدين: علشان يقدر يحط له واحد يديره.

سرى للغاية

أبو النور: لا.. وعلشان بعد كده يهجن منى أى بذور بأعملها طالما إن حواليتها بذور أخرى لازم تهجن.

عامر: أجر والباقي؟

أبو النور: الباقي أتأجر.

عامر: أجرته؟

أبو النور: أبوه.

محي الدين: وبعدين المنطقة الشمالية دي.. الحقيقة علشان هي جناين وكده، ممكن نتعاقد مع شركات أجنبية وتيجى تأخذ البرتقال العنب تأخذ أى حاجة، والصناعات الزراعية تقوم هناك.

العملية لأنها قريبة من الموانى فعلا.. وبعدين ممكن قوى حتى يجيب شركات أجنبية، اللي هي بتستقبل البضاعة بتاعتنا، يجب يقعدوا فيه ناس مندوبين منها يقعدوا يساعدوا حتى فى قطف الثمار.. يعنى الحقيقة هي خسارة.

أبو النور: خسارة مش عاوزة شك.

محي الدين: وتعتبر تجربة.

صبرى: الموضوع الحقيقه يعنى، هل حانلقى ١١,٠٠٠ مجنون يروحوا الأرض!؟

عامر: مش ١١,٠٠٠ بس، (ضحك) ١٤,٠٠٠، لأ.. دي جملة أكثر من كده، ده فيه ٢١٤,٠٠٠.

سرى للغاية

عبد الناصر: نتبعها للدكتور النبوى! (ضحك)

وأنا متصور فى هذا الموضوع يعنى ، أنا بأعتبر إن الموضوع عاوز تفكير يعنى مش عايز بت.. مش عايز نصل حتى فى هذه الجلسة الى رأى، لسه عايزه تفكير وعايز هضم للعملية دى كلها، ولسه عايز كلام تانى. يعنى فيه عندنا وسائل كثيرة.. إحنا النهارده بنتكلم على التصدير، وقطعا النهارده لا يمكن إن احنا نصدر يعنى موالح؛ بالعكس ماتقدرش، يعنى تيجى تقول لى بأصدر موالح على حساب الاستهلاك المحلى! وقال لى عبد الحكيم الكلام ده من خمس سنين.

عامر: حصل.. آه.

عبد الناصر: قلت له مستحيل.. يعنى ما أقدرش أخلى البرتقالة بشلن! يعنى البرتقالة فى لندن بشلن.. لا أستطيع أنا النهارده بأى حال أن أنزل أقول البرتقالة بقت بشلن! يعنى سياسيا لا نستطيع أن نواجه هذا أبدا. بنزيد مليون كل سنة عايزين يأكلوا برتقال وعايزين يأكلوا يوسفى وعايزين يأكلوا موالح.

عامر: وإحنا بنقدر نصدر حتى اذا حيينا؟

عبد الناصر: لا لأ.. يعنى إحنا وصلنا ٢٠ ألف طن أظن..

أصوات: ١٥ ألف.

عامر: لو حيينا.. ما نعرفش حتى نصدر! لو عندنا البرتقال حتى ما نقدرش نصدره.. حتى يعنى.

عبد الناصر: لأ.. ده موضوع آخر.. فيه موضوع الشركات، ليه ما نعملش شركات؟

عامر: هو ده الموضوع الأساسى.

عبد الناصر: شركات.. ونجيب ناس؛ يعنى قول بنعمل شركات كبيرة زى كوم أمبو، كوم أمبو كان كام ألف فدان؟

صبرى: ١٣ ألف.

عبد الناصر: بأجيب العلايلى.. بأعمل كل شركة units.. بأعمل كل شركة ١٥,٠٠٠ فدان أو كذا، وأجيب. هنا بأجيب عشرة يعنى لو أعمل الشركة ١٠,٠٠٠ فدان.. مائه ألف فدان أبقى عايز ١٠٠٠. بأجيب سيد مرعى ومرعى وعلى الشيشينى وسعد عتمان والدروى وأجيب ناس أعرفهم.. عارفينهم، والجدع العلايلى، ماهو رايح يشتغل فى الكويت! وكل واحد من دول بأمسكه شركة، وأعطى له الحوافز الللى أنا عايز أعطيها له، وأعطيله فى يده، وأستحمل الادارة بتاع ٦ سنين؛ بحيث إن أنا بازرع العملية دى.. موالح للاستهلاك المحلى والتصدير.

عامر: بتتكلم على الأرض الرملية؟

عبد الناصر: على الأرض الرملية آه.. أنا بأتكلم على الأرض الرملية؛ لأن الأرض الرملية أحسن حاجة لها إنك تزرعها موالح، لأنك حاتزرعها قطن.. لأ، ويعنى بتزرع فول أو سمسم أو عمليات بهذا الشكل، ونحسبها حسبة اقتصادية سليمة ونشوف حاتتكلف أد إيه؟ لكن عملية التمليك عملية الحقيقة فى رأى، يعنى..

محي الدين: متهيألى فى المرحلة الحالية..

عبد الناصر: لأ.. بصرف النظر، وبعدين يعنى أنا برضه متصور إن احنا مش عاجزين لدرجة إن احنا مانقدرش نمشى العملية دى! يعنى إذا على ادارتها لازم سنسير، يعنى لما أعمل ١٠ مزارع ١٠٠,٠٠٠ فدان وأشتغل، عندنا الجبل الأصفر، مش أرض رملية؟

أبو النور: أيوه.

عبد الناصر: طيب الجبل الأصفر أرض رملية بتكسب وبتشتغل وبتنتج، وإنشاص، وبلبيس، كل ده أراضى رملية، وبهذا نحل مشكلة الأرض الرملية ولا نتجه الى التمليك. بالنسبة للموالح تطلع فى أى سنة؟

سرى للغاية

أصوات: فى السنة الخامسة، أو السابعة، فى الخامسة تبتدى تباشير وبعدين فى السادسة تزيد والسابعة تجيب.

عبد الناصر: ونمشى فى هذا على أساس إن احنا نعمل ميزان، ده تفكيرى يعنى هى بهذا الشكل؛ لأنك..

صبرى: هل إذا كانت خاصة؟

عبد الناصر: لأ.. أنا ما بتكلمش أبدا فى العمليات الخاصة دى ولا الملكية؛ يعنى أنا مش مع القطاع الخاص ولا الملكيه الخاصة أبدا.

الشافعى: هى كانت النقطة الوحيدة يعنى فى هذا الموضوع.. يعنى عملية الادارة برضه.

عبد الناصر: يعنى إحنا اتجاهنا اشتراكيا.. حاتحول البلد كلها الى عامة، فلا نستطيع أن نتكلم فى الخاص. وإحنا الحقيقة مشكلتنا النهارده إن احنا لازم نمشى ونحول الى عام، نحسن الاداره ونعمل. يعنى مانجيش ونقول إن مديرية التحرير حصل فيها كذا، يعنى مديرية التحرير يعنى مجدى حسنين أخذها واستقل بها وعمل فيها الكلام اللى عمله ده وعملية باظت.. واتلم عليها الناس.. وموقعها ماكانش أبدا..

أبو النور: هى كانت بداية.. يعنى بداية خبره فى هذا المجال مايفيش أكثر من كده يعنى.

عبد الناصر: وماكانش نقدر ندير ١٠ شركات أو ٢٠ شركة زراعية.

أبو النور: هى حاتسهل لمؤسسة واحدة دلوقتى بتدير كل ده، مفروض إنها لما..

عبد الناصر: وبدى أعرف إيه الفرق بين الخاصة والعامة؟

سليمان: الحافز.. الحافز كامل.

سرى للغاية

- عبد الناصر: إذاً بنحل كل العام الموجود فى البلد على هذا الأساس، ويبقى حافظ كامل.
- سليمان: لأ.. هو فيه أنواع من الادارات ممكن السيطرة عليها وادارتها، مصنع مثلاً فيه رقابه.. الرقابة ممكنة، وفيه حساب، انما لما نيجى فى مزرعة بنجد إن لازم يبقى دافع أقوى لأن العملية..
- عبد الناصر: أعطيله نسبة من الربح.. أعطيله؛ يعنى بأخلق له الحافز، لكن هو أهم موضوع هو اختيار الشخص؛ ولهذا أنا باقول إن احنا بنختار ناس مش بيروقراطيين.. ناس يعنى مثلاً بأجيب واحد زى على الشيشينى.. وبأمسكه.
- محي الدين: بس ييجى يأخذ حافظ ويمشى على طول.
- عبد الناصر: آه.
- أبو النور: وبأعطيله.. وفى الآخر بأحاسبه على النتيجة، بنعامله كمالك أرض.. كوكيل، أنا باقول له: أدى عندك مساحة، أدى مصاريفها، وعايز منها إيراداتها أد كده.. وبس.
- عامر: أنا مأقولوش كده.. أنا باقول له: أنا عاوز يخدم الأرض، وأحاسبه على الانتاج، وبعدين عاوز إيراد منها أد كده.
- عبد الناصر: يعنى يوسف كمال فى نجح حمادى.. كان بيزرع يوسف كمال فى نجح حمادى؟! عمر يوسف كمال ما زرع، لكن كان لازم بيبجى له الإيراد، فده سبب لأن لو ماجالوش الإيراد كان بيخرب بيت الناس! كان فيه نقطه تانية.. كانوا بيشغلوا الناس مجاناً والعملية كان فيها استعداد!
- سليمان: إنما معظم المزارع الكبيرة دى كانوا بيؤجروها لصغار الفلاحين.
- عامر: لا لأ.. ده الدائرة بتاعتها قليل قوى اللى بيؤجر منها.
- سليمان: بس القصب؟

سرى للغاية

- عامر: لا لأ أبدا.. كل المحاصيل.
- أبو النور: جزء مشاركة.
- محي الدين: جزء كبير كان بيستأجر، ويطلعوا عينه ويأخذوا منه ٦٠ جنيه فى الفدان من المستأجرين!
- عامر: آه.. بيشرطوا شروط معينة.. يشترطوا أجرة معينة.
- محي الدين: بس علشان إيه؟ المحصول.
- صبرى: لأ.. بس فؤاد سراج الدين ما كانش بيؤجر خضار.
- عبد الناصر: مآنا برضه بدى أسأل.. إيه الفرق بين واحد مالك وعنده وكيل وحكومة عندها وكيل؟
- عامر: أقول لك الفرق ياريس، إن الحكومة بتعينه موظف which in wrong ، بس.. ده الفرق الوحيد!
- عبد الناصر: يعنى هى دى المشكلة، هى دى الحلقة المفقودة؟!
- عامر: دا المشكل.
- محي الدين: مع فرق حاجة واحدة.. يوسف كمال مش موجود؛ يعنى ما يمثل يوسف كمال كفرد حايشش دخل جيبه، وحايروح يتفسح فى باريس!
- عبد الناصر: لأ!
- محي الدين: هو إيراد حايروح جيبه.

سرى للغاية

عبد الناصر: هو عبد المحسن أبو النور موجود.. هو كل حاجة!

الشافعى: هو يوسف كمال!

عبد الناصر: آه.. طبعا بس مش حايقتسح، ده الفرق الوحيد! أنا باقول مثل، بيدير لك عشرة آلاف فدان والا لأ؟ ويديره كوكيل والا لأ؟

عامر: يديره.

عبد الناصر: سيد مرعى، مرعى مرعى.. يعنى أنا بأجيب لك ناس النهارده يديروا لك الـ ٢٠٠,٠٠٠ فدان فى الرمل كوكلاء.

عامر: وما أعطيهمش ماهية، أعطيهم عمولة.

عبد الناصر: وأعطى لهم عمولة.

محي الدين: بس على شرط.. إن شاء الله توصل لعشرة آلاف جنيه.

عامر: توصل زى ما توصل.

عبد الناصر: بتاع الاعلان فى الأهرام بيأخذ ١٥,٠٠٠ جنيه.. تعرف كده؟! يعنى يبقى إحنا يهمنى نقول بيأخذ ١٠,٠٠٠ جنيه! هيكل بيأخذ ٥,٠٠٠ جنيه، بتاع الأهرام بيأخذ عمولة ١٥,٠٠٠ جنيه!

محي الدين: ويخضع للضريبة العامة.

عامر: ده موضوع تانى.

سرى للغاية

- محى الدين: مايمش لكن لازم يأخذها.
- عامر: ما بيقاش موظف.. يأخذ عمولة يعنى يشتغل بالعمولة مش موظف، وبعدين كل اللى تحت إيده ينتج ويضبط ويربط ويسوى زى ما هو عايز.
- أبو النور: بأحدد له دوره، هو ده الأصل فى العملية.
- عبد الناصر: لو قال: نجيب الناس اللى هو عايزهم ما أقولش لأ.. إنت حابب فلان والا حابب علان!
- أبو النور: وأعطيت ده كام وما أعطيتش ده كام، ماليش دعوة!
- عبد الناصر: جاب ناس من بلده.. فالنهارده لما أوديه حاجيب ناس من بلده، بأقول له لازم يجيب ناس من بلده طبعاً. يعنى النهارده محمود عبد اللطيف لما راحوا أخذوا أرض فى الفيوم، وعينوا وكيل، جابوا ناس من بنى مر.
- أبو النور: لو ماجابش ناس من بنى مر حاياكلوه.. مش عاوزة شك.
- عبد الناصر: العرب اللى هناك ياكلوه، يبقى على هذا الأساس أبقى أمشى القطاع العام مع ظروفنا، ما أقدرش أقول إن الحل البسيط إن أنا أبيع.
- الشافعى: أخليه كوحداث انتاجية زى المؤسسات بالروح اللى بتتكلم بها دى لأ دى هى دى النقطة. يعنى قانون المؤسسات اللى هو بيعالج جميع مشاكل القطاع العام، إذا كانت بتضع العملية بهذا التفكير.. يعنى هو الممول.
- عامر: لأ شوف.. أنا صراحة لو وضعتنى فى أرض زراعية وقلت لى دى ٥,٠٠٠ فدان - بالوضع والقوانين الموجودة - ماعرفش أديرها، يعنى الأرض الزراعية تختلف مانقدرش تديرها، ليه؟ حايقول لى رش الأرض شوية أكثر! أعمل.. اشتغل غصب عنك! مايصحش!

سرى للغاية

أبو النور: وبعدين فيه مليون حجة.. يعنى لو قعدت مسكت الواحد على أساس أحاسبه على العمليات الزراعية اللى بيعملها كل يوم، يستحيل أولاً حاقدر أضبطها له، وبعدين ستين ألف حجة؛ يعنى شوية الصقيع زى اللى طلوعوا دول، يقول لك: أكلوا الزرع.. وهو ماله! أى حاجة!

محي الدين: وهو برضه أعطى له مرونة اذا كان هو حايدير ويزرع الأرض بنفسه أو يستأجرها. يعنى اذا كانت أرض مش جناين، أنا رأى أنه حايفضل يجيب ناس معينين يستأجروا الأرض؛ كل واحد يأخذ له فدانين ثلاثة أربعة خمسة علشان يبقى مسئول.. كويسين!

أبو النور: إذا كان يرى هذا ممكن هو حر.

محي الدين: لأ.. ده حايجصل.

أبو النور: ماهو اذا كان يرى هذا هو حر.. أنا يهمنى ايجار.

سليمان: هو مش حايعرف يديرها الا لما يجيب ناس لأن هو..

محي الدين: لأ.. يعنى مش حايجيب عمال يزرعوا الأرض، وبيجوا باليومية، وبعدين الخولى يأخذ، كذا عامل.. وكذا وعشرين عامل.. والكلام المعروف ده! إحنا عارفينه فى الريف يعنى.

عامر: علشان يعطيك القصب وفدان علشان بيشتغلوا فى الأرض كمان، ده موضوعات كلها..

أبو النور: كل ده هو ممكن يتصرف فيه.

عبد الناصر: يعنى هو أى حاجه ماعدا التمليك، إحنا نعتبرها..

أبو النور: هو يتصرف.

سرى للغاية

معى الدين: يعنى هو الاستثمار مفيد قوى فى الزراعات السنوية.. السنوية مش الجنابن.

عامر: ممكن قوى.

السادات: لكن فيه الأرض الجيرية اللى عندنا اللى هى جاهزة وبتجيب من أول سنة، وعبد المحسن بيقول على المشروع بتاع إنه - اللى بيجهزه علشان زراعتها - تقسيمها لكذا وكذا، مش يكون من الخير أن مع النظام اللى عامله عبد المحسن يتعمل مثلا شركة أو شركتين من اللى بتقول عنهم دول للرملى، وجنب دول ده بيان وده بيان؟

أبو النور: هو قصد سيادة الرئيس إن الأرض اللى عندنا كلها اللى بتزرع، لابد تكون شركات ماتبقاش مساحة ٧٠٠ ألف فدان تبع واحد بس.. بيديرها واحد بس مستحيل!

السادات: أنا باقول دى جاهزة، وممكن يعنى لو دخل فيها العنصر ده، يمكن على طول السنة دى أو السنة الجاية بيزيد الانتاج.

عبد الناصر: هو أصل النظام اللى قاله عبد المحسن أنا مش فاهمه.. يعنى ايه؟! أنا قعدت أسأله: بتعمل على أى أساس؟ حاتعمل على أى حاجه؟ فهو قال: نظام أنا مافهمتهوش وسكت؛ على أساس إن أنا حأضع فى مخى حاجه وحأتكلم معاه.. فأنا سكت، فهو بيتكلم على إنه حايعمل مزرعة ١٥٠٠ فدان، وحايحط عليها مهندس زراعى ومش فاهم ايه..

السادات: هو الاتجاه إن المؤسسة حاتزيد الانتاج.. حاتديره مباشرة، حاتعمل شركات ثانية.

عبد الناصر: هو فيه حلقة مفقوده فى كلامه.

أبو النور: هو الكلام اللى أنا بأتكلمه كله على أساس..

السادات: والمؤسسة تدير مباشرة، حاتعمل نفسها مؤسسة وشركة فى نفس الوقت؟

سرى للغاية

عبد الناصر: أنا فى رأى إن الموضوع بهذا الشكل صعب، ليه؟ يعنى حايبقى عندك واحد مسئول عن ٣٥٠,٠٠٠ فدان، حايكبر لك المؤسسة يعلمها وزارة! وحايعمل قلم كذا وقلم كذا.

أبو النور: أنا مع سيادتك تمام.. هو كان المبدأ اللى إحنا ماشيين عليه إن احنا ما عندناش امكانيه للادارة الكبيرة إلا الأعداد الموجودة اللى قدرنا نجيبها دلوقتى للمؤسسة. سيادتك بتقترح نظام أو وضع آخر؛ ناس معروفين بإدارتهم لمزارع حايلقوا.. ييجوا فى الشركة ويزرعوا ويمشوا على هذا الأساس. ده موضوع تانى لم يكن داخل عندنا إحنا؛ إن احنا مثلا نقدر نجيب واحد زى سيد مرعى مثلا أو واحد زى مرعى أو واحد زى على الشيشينى.. أو واحد من هذا القبيل.

عامر: تحت أرض زراعية، خصوصا إن دى مشكله بتقابلنا لما بنكبر - نرجع للنظام اللى كان فى الريف عندنا. يعنى وكيل المالك - اللى هو وكيل الدولة يعنى - ويجيب خوله، ومافيش حاجه اسمها موظفين، خوله مهندسين زراعيين يشغلهم لحسابه، يعنى نمشى بهذا النظام الوكيل يعنى.

محي الدين: ماتتفحش.. مجلس ادارة شركة.

عامر: ده النظام اللى بينجح؛ لأن ده بيقلل المصاريف الادارية، بيخلى الانسان مسئول؛ بيقدر يجيب وكيل غيره.. يوديه بلد ويجيب واحد غيره. يعنى عمليات تمشى أسلم ما يمكن.

سليمان: بس يتبع كل الأساليب اللى كانت مستخدمة قبل كده.. يعنى يقدر يؤجر.. يقدر..

عامر: بس ده موضوع إحنا عارفين، بس مش معقول واحد يروح يؤجر ٥٠ فدان لواحد مثلا.. حانقوله لأ!

سليمان: ما هو حايجيب ناس.

عامر: يعنى برضه العملية ماتتقلبش الى موضوع خدمات عن جهة تانية!

سرى للغاية

عبد الناصر: وإحنا عندنا موضوعين أساسيين لازم نقررهم.. أولا: التركيب المحصولى.. ده أول حاجه وده بيحكم التنظيم، وبالتالي إيه الطريقة اللى حانشتغل بها.

أبو النور: هو التركيب المحصولى موجود فى أنواع الأراضى المختلفة وداخل ضمن الخطة، كل شركة من دول لما حاتيجى تأخذ جزء من هذه الأرض، باقول له: أنا عايز منك أد كده قمح، عايز منك أد كده قطن، عايز منك أد كده فواكه، عايز منك أد كده خضار.. وهكذا، هو بيقسم زراعته على هذا الأساس وأنا بأخذ.

عبد الناصر: يبقى المساحة بنكثّر بقى عن.. تبقى مساحة كبيرة الحقيقه، اذا كنا حانعمل محاصيل تقليديه غير لما نعمل جناين.

أبو النور: مش عايزه شك طبعاً.

عبد الناصر: يعنى الجناين ممكن تكون مساحة قليلة، المحاصيل التقليدية أكثر.

أبو النور: هو لازم يأخذ كده وكده، يعنى اللى حياخذ مثلا فى شركة، يأخذ جزء مثلا بيتعمل جناين، وجزء بيتعمل محاصيل عادية اللى داخله فى الطوارئ.

عبد الناصر: يبقى تشتغل إزاي الشركة؟ إزاي تنتظم الشركة؟ إزاي تتحاسب الشركة؟ الكلام ده كله برضه لازم الحقيقه تبقى صورة واضحة.

أبو النور: وأنا فى رأى إن احنا لو جيينا..

عبد الناصر: عندنا جناين كام ألف فدان؟

أبو النور: إحنا عندنا ١٨٠,٠٠٠ فدان فى البلد جناين، بنزود إحنا كل سنه دلوقتى حوالى ٥ الى ١٠ آلاف فدان. وأنا فى رأى إن احنا سيادتكم مثلا نتفق على عدد من الناس بيكلفوا تكليفا إنهم يقوموا بشركات ويختاروا المناطق اللى بيشتغلوا فيها.. يعنى نعطيهم الحرية إنهم يختاروا المنطقة اللى يحبوا يشتغلوا فيها، ونقول له: نقول لنا النظام اللى تحب

سرى للغاية

تشتغل على أساسه. يقترح هو النظام اللى يجب يشتغل على أساسه، على أساس إنا
بنعطى له أهداف انتاجية لتركيب محصولى معين، وهو يوفيه ويأخذ هو نسبة.

عامر: ونأخذ برضه رأيه فى التركيب المحصولى.. مافيش مانع.

أبو النور: ما يمنعش طبعاً.. لا لا قطعاً.. ما هو مايمكنش التركيب المحصولى الا بالاتفاق معاه،
مايمكنش.. لا بد من الاتفاق معاه.

عامر: آه.. يعنى العملية تبقى فيها برضه المرونة..

أبو النور: يعنى واحد مثلاً زى الشيشينى لو جه أخذ حنتت من النوبارية يعنى المنطقة بتاعة مريوط
والحتت دى.. اللى هى مزارع عنب على خضار على موز، دى هوايته، تنفعه حاجه
بهذا الشكل.

عبد الناصر: فيه برضه شركات أجنبية.. ناس عايزين يأخذوا فى شركات أجنبية، أنا أعتبر ده بيبقى
.exception

عامر: الشركات الأجنبية طالما حانصدر.

عبد الناصر: آه.. يعنى هو يأخذ ويصدر.

عامر: يزرع ويصدر.

عبد الناصر: يعنى عايز يأخذ حته أرض ده كلام بيتقال.. هل هو حقيقى أو غير حقيقى ماعرفش،
يعنى يقول لك عايز ألف فدان عايز خمسة آلاف فدان.. ادينى!

أبو النور: الطلاينة اتكلموا معايا فى هذا الموضوع، وأنا قلت لهم أعطونى مشروع محدد على
أساس إنك تزرع.

سرى للغاية

عبد الناصر: والفرنساويين؟

أبو النور: والفرنساويين.. إحنا ماشيين معاهم دلوقتى.. إحنا ماشيين معاهم.

عامر: الطلاينة نصابين شوية!

أبو النور: لأ.. ماهو أنا الطلاينة بقى مش.. فرنساويين.. إحنا ابتدينا واشتغلوا معانا فعلا.

عبد الناصر: ده على أساس إنه موضوع للتصدير؟

أبو النور: الطلاينة على أساس إنه بيأخذ مساحة يزرع فيها محاصيل هو محتاجها.

عامر: يأخذها يصدرها هو؟

أبو النور: أيوه.. أنا ماليش دخل.

عامر: هو يصدر المحصول.

سليمان: أنا اللي بأزرعه له؟

عامر: لأ.. أبدا.

أبو النور: لأ.. هو بيكلف.

عبد الناصر: هو يأخذ الأرض يزرع.

عامر: يزرعها ويأخذ محصولها يصدره.

عبد الناصر: يعنى عايزه برضه تتحسب؛ بحيث إنه يصدر ويجيب الفلوس.

سرى للغاية

عامر: لأ.. ماهو أنا ما أسبيوش لوحده.. ما هو فى الحاله دى اللى يربط الموضوع إنى أنا أدخل معاه فى الشركة برضه؛ يعنى يبقى شركة مساهمة مشتركة.. مايقاش شركة لوحده.. أدخل مشترك معاه وهو يصرف؛ علشان أبقي عارف الحساب وعارف التصدير وعارف الكلام ده.

سليمان: ما أظنش دى تتجح؛ لأن يعنى التعامل فى الريف مع طلائنة والا فرنساويين..

عامر: فين الريف! هو المنطقة دى كلها الصحراوية.. الجديدة.

أبو النور: هو بيزرع عندى ٣ آلاف فدان فى إسنا النهارده، وبيزرع قصب كمان.

عبد الناصر: ويصدره؟

أبو النور: لأ.. أنا أقول لسيادتك إيه.. فيه عندنا ٣,٠٠٠ فدان كنا عملنا مشكل معاهم عليهم فيه، قلنا لهم: أخذتوا حتة قلوبية، وماكانش يجب إنها تتصلح الأرض دى، فقال: لأ.. الأرض دى كويسة، يعنى الأرض موجودة، والزراعة موجودة.. ازرع وورينا!

عامر: ده مين ده؟

أبو النور: الشركة الطليانية، وفعلا أخذت ٣,٠٠٠ فدان بنزرعهم دلوقتى.

عامر: ده علشان التصدير ممكن يعنى؟

السادات: هو الفكرة إنه علشان نصدر محاصيل من عندنا لأوروبا، إحنا من عندنا صعب علينا، لكن عن طريق أى حد من دول بيصرف أى حاجه.. من البيوت الأجنبيه دى بيصرفوا أى حاجه.

أبو النور: هى بالمناسبة دى بالنسبة للروس.. فإكر سيادتك بالاتفاق اللى انت عملته مع الروس؛ على أساس إنهم يأخذوا خضار، إحنا عندنا خضار وبنقول لهم: خذوا.. مايباخذوش!

عامر: ليه؟ علشان إيه؟!

سرى للغاية

أبو النور: بيتكعوا.. وأنا تكلمت مع وزير الاقتصاد فى هذا الموضوع، قلت له: حرام إن يبقى عندنا خضار فى الأرض الجديدة ونقدر نعطيه لهم وما يأخدوش! وإحنا مفروض إن احنا ندفع لهم حقه، ويأخذوا خضار، وفرصة حتى نتعلم فيهم كمان حتى فى الـ packing ؛ لأنهم ما بيدقوش قوى.. لا يدقون تماما.

عبد الناصر: خضار إيه اللي عندك؟

أبو النور: عندى بسلة، هو بقى بيقول لى هات طماطم بس، طيب مش معقول.. طماطم بس مش ممكن!

عامر: لأ.. يأخذ طماطم زى ما يأخذ الخيار والحاجات دى كلها.. ياخذها طبعاً.

أبو النور: أنا عندى النهارده ألفين طن بسلة أقدر أسلمهم له على طول.

عامر: يعنى الروس بياكلوا كرنب.. ومستعدين يأكلوا قرنييط.

أبو النور: بس يدخلوا فى العملية.. أنا عايز سيادتكم تخلصنا منهم فى العملية، وأنا جبت شركات التجارة عندى الجمعة دى، وقلت لهم فى هذا الموضوع، وقلت لهم: إن احنا نقدر نعطيهم حاجات كثيرة جداً، بس هم ماكانوش عايزين ياخذوا غير طماطم بس!

عبد الناصر: اتفقوا.. وخلينا نخلص.

عامر: أنا رأيى ياريس نعمل اجتماعات فرعية من الجماعة دول وناقش برضه.. مناقشات يعنى من غير ما إحنا نقول حاجة ونطلع بحصيلة المناقشات، وبعدين نشوف إيه اللي حانطلع بيه.

سرى للغاية

أبو النور: هو أنا جيت سيد مرعى.. كنت اتكلمت معاه فى النقطة دى برضه، هو من رأيه إن شركات قطاع عام ممكن، وتأجير ممكن.. غير كده لأ!

عامر: بس التأجير فى الأرض الملحية صعب.

أبو النور: لأ.. فى الأرض الرملية صعب.

عامر: هو التأجير يمكن ما يضرناش كثير.

عبد الناصر: لأ.. ما إحنا عندنا حلين.. يانعمل شركات قطاع عام، ياتأجير. يعنى هو العملية التملك.. حانبعد عن التملك، ده إحنا النهارده بنفكر نحل الاصلاح الزراعى.. إنت عارف كده؟! عارف كده!؟

أبو النور: حانعله إزاي؟! ما هو أخذوها وخلصوا.

عامر: إنت عارف برضه الحراسة كلها.. ما هم حايأجروها.

عبد الناصر: لأ.. الحراسة بسيطة، لكن هى أرض الاصلاح الزراعى لما تجيب منها سبعة أمثال الضريبة؛ تجيب منها ٢٥ - ٣٠ مليون جنيه.

أبو النور: أنا بأجيب منها قسط النهارده ٣ جنيه أو ٤ جنيه.

عبد الناصر: طيب.. هو فاضل أد إيه ما اتوزعش؟

أبو النور: لا.. هو اللى ما اتوزعش كله بأؤجره دلوقتى يافندم.. ما بأملكش.. بطلت أنا تملك.

أصوات: بطلنا تملك.

الشافعى: ما الأوقاف طلبت منا قبل كده من زمان!

سرى للغاية

عبد الناصر: الواحد مخه بيتغير الحقيقه مع الزمن؛ يعنى الأول تملك ومش فاهم إيه، الأرض لمن يفلحها ..

سليمان: لأ.. الحته بتاع الاصلاح الزراعى خلاص.

أبو النور: بطلنا تملك؛ تأجير .

عبد الناصر: لأ.. اللى ما اتملكش..

أبو النور: كله ايجار .. دلوقتى مافيش تملك.

عبد الناصر: كام فدان؟

أبو النور: الايجار؟ الأرض الموجوده دلوقتى؟

عبد الناصر: آه.

أبو النور: بتاع ١٢٠,٠٠٠ فدان.

عبد الناصر: هو الواحد كان بيفكر فى موضوع إن اللى يموت..

أبو النور: اللى يموت.. ده مشكل كبير قوى.

عبد الناصر: لأ.. اللى يموت بدل ما تتفتت الأرض، نأخذها إحنا ونؤجرها للورثة.

أبو النور: ما إحنا.. بس بيعتبروا هم ملكة بقى صعب قوى انى أرجع أخذها تانى وأؤجرها! هو إحنا بنعمل إيه؟ إحنا بنخلى الورثة برضه هم ماتفتش الأرض.

عبد الناصر: مشاع؟

سرى للغاية

أبو النور: آه مشاع.. اللى أخذ ٤ فدادين مثلا بيزرعوا، وواحد فيهم بيوكلوه عنهم.. أنا بأعامل معه.

الشافعى: بس لكن يبقى له نصيب فى الميراث.

صبرى: نخش فى الشريعة.

أبو النور: نخش فى موضوع التمليك، يعنى مش حانخلص فى الشريعة بقة.

عامر: موضوع التوريث على طول..

السادات: لأ.. هو ممكن يدفع ضريبة زيادة شوية يعنى.

أبو النور: هو إحنا ممكن نأخذ منه مثل الضريبة زيادة مقابل الادارة.. ده موجود.

عامر: هى الأرض دى حاتتجمع؟ لأن حايجصل بيع طبعاً بعد اللى عنده خمس فدادين وتتوزع؛ حايجصل بيع.

عبد الناصر: فيه بيع دلوقتى؟

عامر: حايجصل.

أبو النور: بيع إيه؟ الأرض اللى عنده يعنى؟! ده تعبانين والله.. الناس بالنسبة للبيع لسه تعبانة.

عامر: يعنى إيه تعبانة؟

أبو النور: يعنى فيه ناس عايزه تتبيع مش عارفه تتبيع.

عامر: ما أنا باقول لك عايزه تتبيع.

سرى للغاية

عبد الناصر: أرض الاصلاح الزراعى؟

أبو النور: لالا لأ.. أرض الاصلاح الزراعى..

عبد الناصر: لأ.. أنا بأتكلم على أرض الاصلاح الزراعى.

أبو النور: لا لا لأ.. من اللى حايبيع! ممنوع.

عامر: ممنوع بالقانون، لكن هو لو لقى فرصه يبيع يبيع.

أبو النور: طبعا ممكن يبيع.. طيب واحنا استفدنا إيه!

عامر: هو لو لقى فرصة يبيع للدولة يبيع.

أبو النور: يبيع للدولة؟!!

عبد الناصر: آه يبيع ويتجوز.. آه يبيع لنا يعنى!

عامر: آه.. بس يبيع للدولة.. يعنى ممكن.

عبد الناصر: يبيع باللى اشترى به! (ضحك)

أبو النور: تعرف سيادتك حايعمل إيه؟ اللى دفعه يبيع باللى اشترى به أو يمكن أكثر شوية، ويؤجرها منك؛ يبقى ما عملناش حاجة!

عامر: طيب.. وحاؤجرها له إيه؟! ما هو حائز.

أبو النور: وحايروح فين؟!!

سرى للغاية

- عبد الناصر: لأ..حايؤجرها بسبعة أمثال الضريبة.
- عامر: حايستأجرها من السبعة أمثال الضريبة.
- عبد الناصر: آه.. يعنى لما تأخذ انت.
- أبو النور: قبض cash الشئ الفلانى.. دول هم كلهم مستعدين يعملوا كده يعنى!
- عبد الناصر: لأ.. أبيع له بالتقسيط، أشتري منه بالتقسيط.
- أبو النور: لا.. مايرضاش بقه؛ لأن التقسيط..
- عبد الناصر: أخليه يرضى! (ضحك)
- سليمان: أصلهم عقدوا ورتبوا نفسهم وحياتهم على كده يعنى، وبعدين هى اجتماعيا مستحيل!
- عبد الناصر: هو موضوع معلق!
- عامر: لأ صعب.. آه.. صعب قوى.
- عبد الناصر: خروشوف قال لنا: أوعوا تفكروا فى توزيع أرض الاصلاح الزراعى دى.. أحسن إيه..
تقلبوا عليكم البلد!
- عامر: لأ.. هى لها حل تانى؛ اللى واخذ خمس فدادين فى الوادى، نعطى له ضعفها فى
الأرض الجديدة.
- عبد الناصر: ايجار والا ملكية؟
- محي الدين: لأ.. نعطى له ملكية.

سرى للغاية

عامر: طيب.. ما إحنا كنا بنعطى ملكية لغاية سبعة فدادين فى الأرض الجديدة.. ملكية.

أبو النور: نعطى له ضعفها.. بره فى الصحراء.

عامر: يبقى مايسبها.. واحد قاعد فى بيته وبين أهله وبتاع.. معقول! مستحيلة يعنى!

عبد الناصر: هم أصل كل قرية ما يحبوش..

صبرى: هم كده.. على ضفه النيل ويقعد.

الشافعى: يعنى هو نقل الناس للمناطق، وإنه كده يرسى ويستقر ويحس إنه يعنى.. دى يمكن بتنظم مشاكل كبيرة قوى - يعنى زرع الناس - يمكن زرع الأرض سهل.. انما نقل الناس للمناطق غير سهل.

عبد الناصر: يا زارع الناس! (ضحك)

... : دى ماشية.

عامر: أبدا سهلة يا حسين.

أبو النور: هى مش بالصعوبة قوى دى طالما توفر..

أصوات: حطهم، وأعمل خدمات وو.. الخ، اعمل له بيت.. شكله وخلص وأعطى له جاموسة وخلص.. وحطه يقعد!

أبو النور: أى واحد ما دام له إسكان وخدمة..

عامر: خذهم عن طريق الجيش.

سرى للغاية

الشافعى: وبعدين النقطة الثانية.. عملية التسويق.. يعنى برضه حتى لو اتوجدت هذه الشركات.. اذا ماكانش فيه أجهزة كبيرة لعملية التسويق برضه حاتبقى دى صعوبة ثانية عايزة تفكير على مستوى..

عامر: الشركات دى! لأ.. دول يتسوقوا زى العفارىت! دول مايتخافش عليهم ولا يتعمل لهم بتاع.. دول حايشيلوا كل الغلب ده!

.... لازم يأخذوها مع..

عامر: دول زى العفارىت.. دول يتسوقوا الدنيا كلها.. دى ولا نفكر فيها أبدا.. اطلاقا، يعنى.. ده بالعكس.. ده إحنا بنفكر فى المشاكل نعمل له بقى تسويق.. نعمل له جمعيات تعاونية.

أبو النور: يعنى .. التقليدية بتأخذها الدولة وتبيعها ماهياش شغلانة، هى بس الفواكه..

الشافعى: المؤسسات العامة للتجارة.

عبد الناصر: هو فيه موضوع برضه الواحد لسه بيتكلم فيه بالنسبة لكلام المحاصيل التقليدية، أليست هناك وسيلة لى نرفع من انتاجية الأرض؛ قصدى من القيمة الاقتصادية للأرض؟ مثلا هولندا.. امسك هولندا.. انتاجية الفدان فى هولندا كام وانتاجية الفدان عندنا كام؟! إيه الأساليب اللى بيتبعوها فى هولندا مثلا؟ يعنى أنا متهيألى إن احنا بنمشى برضه فى تفكير غلط إذا مشينا محاصيل تقليدية.

النهارده إحنا عندنا المليون فدان اللى حايزيد وخلص، ومليون كل سنة ناس، ليس أمامنا من سبيل إلا أن تزيد اقتصادية الأرض، علشان تزود اقتصادية الأرض لازم تغير التركيب المحصولى فى الأرض.

بعدين إحنا عندنا فى أوروبا.. يعتبر عندنا خمسة أشهر فى أوروبا نقدر نصدر، ولازم نصر على هذا الموضوع؛ نصدر خضار ونصدر فواكه، ونصدر عمليات، وده بيزيد الانتاجية؛ لأن فدان الموالح بيحبيب كام وفدان القطن بيحبيب كام؟!!

سرى للغاية

- أبو النور: الفرق كبير مافيش نسبة.
- عبد الناصر: وبعدين إذا صدرنا.. النهارده يعنى اليهود بيصدروا كميات أكبر بكثير!
- محي الدين: بيعصروا بلدهم ويطلعوا على أوروبا على طول!
- عبد الناصر: بعدين صادرات اسرائيل أكثر من صادراتنا! هي الميزانية الأخيرة بيصدر بـ ٥٠٠ مليون جنيه - أنا حاسب بألف مليون دولار - يعنى أنا مش متصور الأرقام دي إزاي!؟
- عامر: طب ما هي غزة فيها..
- عبد الناصر: يعنى الغير منظور لازم حدخل .. أنا بأعتبر من النقط الأساسية إن احنا نرفع ناتج أرضنا بالمحاصيل التقليدية؛ بنشوف الهولنديين عاملين إيه يامحسن!؟
- أبو النور: وإحنا يافندم ما إحنا غيرنا التركيب المحصولي على هذا الضوء، ومشينا فيه على هذا الضوء، والتركيب المحصولي من الأرض الجديدة والقديمة موضوع برضه على أساس التوسع الكبير فى تصدير أو فى زراعة التركيز على الآتى: الخضار ، الفواكه، الحبوب..الزيتية أساسا.
- عبد الناصر: العنب مثلا.. حاتصدر عنب؟
- أبو النور: العنب بنصدر نبيذ.. هو إحنا العنب سيادتك فإكر إحنا كنا جبنا زمان درسناه فى اللجنه، كنا عاملين ٤٠,٠٠٠ فدان عنب، وبعدين اتكلمنا وشفنا زيادة الاستهلاك أد إيه؟ واللازم للنبذ فى أقل الحدود أد إيه؟ وقلنا ٢٠,٠٠٠ فدان بس، وفعلا إحنا ماشيين على ٢٠,٠٠٠ فدان بس، التوسع أساسا فى عمليات الموالح.. دي عملية أساسية.
- عامر: تعرف الشعير.. تقدر تصدر بيره زى ما انت عايز.

سرى للغاية

أبو النور: بنزرع الشعير المزدوج بتاع البيره، بنتوسع فيه، وكل الشعير المزدوج بتاع البيره النهارده مأخوذ من الأرض الجديدة.

عامر: يعنى أوروبا كلها تأخذ أى كمية.

أبو النور: بالنسبة للخضار.. معمول فى الدورة التوسع كبير جدا.

عامر: لالألا.. يأخذوا معاهم.. إحنا بنصدر.

أبو النور: إفريقيا كلها والدول العربية كلها واخده بيهره من هنا، وممكن تتوسع كثير.

عامر: لا.. وأوروبا بيأخذوا.

عبد الناصر: وأنا بأعتبر إن ده موضوع واسع.. وعاييز بحث.

أبو النور: هو عاييز تعرف سيادتك إيه بالنسبة للنقطة دى كمان؟ التوسع فى عمليه التصنيع للمركزات، إحنا بنتعب النهارده فعلا فى عمليه التصدير. فواكه مثلا طازجة، حايبقى لنا limit قطعاً لغاية ما نفتح جامد، لكن عمليه المركزات عمليه سهله جدا بتأخذ فيها المعطب واللى مش معطب واللى قد كده، وبنعمل مركزات وتتباع ولها سوق كبير جدا.

الشافعى: هى مكمله.

أبو النور: عمليه مكمله، عمليه أساسية.. ماعملناش نحاول.

سليمان: بس ماتبقاش مجزیه.

أبو النور: لا والله مجزیه يافندم جدا.. يعنى وجت.. يعنى ناس عرضوا علينا إنهم بيعجوا ويجيبوا مصانع ويشغلوا هنا، ويأخذوا من قيمتها من التصدير بتاعها.

سرى للغاية

سليمان: لأ.. أصل تكلفة الزراعة عندنا عالية، يعنى لو نيجى مثلا لزراعه مماثلة موجودة فى مناطق زى السودان زى هنا، المحاصيل بتتلف هناك فبيركزوها أو بيعلبوها؛ فيبقى القيمة بتاع نفس الخامة مالهاش قيمة. انما إحنا عندنا هنا عملية التعليب عملية مكلفة، وعملية الزراعة نفسها عملية مكلفة؛ إحنا بنبيع البرتقال بره أرخص من سعره هنا!

أبو النور: لأ.. أرخص من سعره هنا؟ لأ.. إحنا بنبيع البرتقال بره بخمسين جنيه الطن، وهنا بـ ٢١ جنيه الطن.. متوسط.

سليمان: ومصاريفه؟

أبو النور: المصاريف بتاعته.. هم بيكلفوه حوالى ٣٠ جنيه الطن، هى التكلفة دى هى اللى عايزة بحث شوية.

عامر: لأ.. طبعا السعر بره أعلى كثير من هنا يا صدقى!

سليمان: لأ.. إحنا مصاريف هنا..

عبد الناصر: فى تصورى المواضيع دى كلها عايزه بحث.. نخلى المواضيع مفتوحة، موضوع اسمه ايه.. كان سيد مرعى راح أمريكا وأنا فى أمريكا، واتكلم مع بتوع one minute مش فاهم إيه ده؟! فاهم إيه ده؟!

صبرى: أنا شفته أنا.. هم بيعملوا الـ tablets من البرتقال.. زى الفوار يحطها فى كوابية تبقى عصير.

عبد الناصر: وهل هم مستعدين بيجوا يعملوا مصنع هنا؟

أبو النور: وفيه خضار كمان.. كان جه واحد قابل..

صبرى: قابلنى.

سرى للغاية

أبو النور: كان فيه واحد جه من شهرين وقابل الدكتور عبد العزيز حسين وكيل وزارة الزراعة؛ أمريكانى وجاى على إنه ينشئ مصنع هنا، وندخل معاه بخمسين فى المائة، على أساس يعنى يعمل خضار مجفف، ويعنى يزرع خضار ويجفف الخضار ويبيعه وناخد معاه شركة fifty fifty . قلت له فعلا قدم المشروع بتاعه، وهو قال: حايروح يكمل دراسته وحايبعته لنا هنا.

سليمان: هو يمكن الفاكهة الـ deep freezing .. يعنى دى أرخص طريقة يعنى كل المركبات لها الـ deep freezing . الناس اللي فى المناطق الشمالية عايزين vitamins ، فالحاجات اللي يتعمل لها deep freezing بتروح طازة؛ لأن هى القيمة بتاعتها فى أنها طازة، وإن فيها الفيتامينات بتاعتها.

عبد الناصر: وأنا قصدى إن احنا نفتح رأسنا لكل الحاجات دى، وقطعا فيه ناس بيفهموا أحسن مننا فى هذه المواضيع.. يعنى أخصائيين؛ وعلى هذا نشغل مثلا على بعد عشر سنين؛ لازم نزيد دخل الفدان من التركيب المحصولى، يعنى حكاية البتاع الرأسى ده، أنا مفترض عملية صعبة قوى مش عملية سهلة.

أبو النور: هى دون شك إنها الزيادة فيها محددة، وخصوصا إن احنا يعنى بنزرع من زمان وبرضه واصلين لمقدار كبير من الانتاج، الزراعة محددة. يعنى النهارده مثلا بالنسبة للقطن كل اللي حايزداد فيه نقدر نزيد فيه نتيجة البذور الجديدة، ومش حانزيد أى حاجة أخرى، وبعدين بتبتدى تاخد مرحلة وتبتدى الدورة وييجى غيرها؛ يعنى عمليات مهما كانت زادت، لن تزيد عن ٢٠ - ٢٥% فى الأجل الطويلة.

عامر: هو الرأسى كل اللي نعمله إن حصل عجز فى الانتاج فى الأرض، حانطلعه تانى.

عبد الناصر: بالمصاريف .. وده كلام برضه بيتقال ومايبتنفذش!

عامر: ومايبتنفذش.. انما الحقيقه فيه عجز فى انتاج الأرض علشان الزرع، بس ٢٠% مش شوية بالنسبة للبلد.

سرى للغاية

- أبو النور: طبعا مش عايزه شك، حاجه on the long run.
- محي الدين: بنزرع ٣٠٠ فدان بيحبيولنا الشئ الفلانى مثلا.. حاجة ثقيلة قوى الحقيقة.
- أبو النور: على قد التصريف، يعنى إحنا معطينه امكانية زى ما هم عايزين.
- سليمان: أصل الطلب على قد التصريف.
- محي الدين: يعنى دى الفكرة يعنى.
- عبد الناصر: امسك فى الدانمرك وتمسك هولندا - منتجات الألبان - هل نستطيع إن احنا نزرع أرض برسيم طول السنة؟
- أبو النور: موجود يافندم.. البرسيم الحجازى.
- صبرى: لأ.. غير الحجازى، الروسى ده.
- عبد الناصر: لأ.. هل الحجازى بيطلع طول السنة؟
- أبو النور: طول السنة لمدة ٣ سنين أو أربع سنين.
- عبد الناصر: نحسب اقتصاديات المشروع على أساس منتجات ألبان يبقى عندى كفاية ذاتية وأصدر جبنة مثلا.. إيه الفدان يعطينى أد إيه فى هذه العملية؟
- أبو النور: هو بيحبيب فى منتجات الألبان أكثر من أى حاجة، الدول الشرقيه فى غالبية المزارع الحكومية بتاعتها شغالة على منتجات الألبان.
- محي الدين: الفدان بيطلع لحمه ولبن أحسن من أى محصول آخر.

سرى للغاىة

عبد الناصر: ماحدش بيفكر مثلا إن احنا نعمل عملیه بالشكل ده، ونقول مثلا امسك ١٠,٠٠٠ فدان نزرعهم برسيم ومنتجات ألبان!؟

أبو النور: هو إحنا ماشيين مع مؤسسة اللحوم على كده دلوقتى، يعنى مؤسسة اللحوم شغالة على الأرض الجديدة النهارده.

عبد الناصر: بس إيه.. ببقى على أساس ببقى عندى كفاية ذاتية وأصدر؛ يعنى إحنا النهارده محتاجين فعلا منتجات ألبان، وبعدين عايزين نكتفى ثم نصدر؛ وبهذا ببقى ارتفع دخل الفدان.

أبو النور: إحنا لو نمشى على مشروع البتلو، اللي هو إحنا بدينا فيه النهارده ووصلنا فيه لدرجه مش بطالة أبدا، إن احنا بنأخذ البتلو اللي كان بيذبح سن ٤٠ يوم ونوصله لغايه ٤٠٠ كيلو، كان بيذبح ووزنه ٤٠ كيلو، بنوصله لغاية ٤٠٠ كيلو، كسبنا ٣٦٠ كيلو، بنريح كل سنة لا يقل عن ٣٠٠ ألف لو قدرنا نأخذ نصفهم بس. وإحنا فعلا مشينا فى هذا الموضوع إحنا وصلنا السنه دى الى ٢٥ ألف، وبنزيد كل سنة.

عبد الناصر: أنا قصدى إن العمليات دى.. يعنى فيه عمليات كثيرة لو تقعدوا تحطوا أدام object "زيادة انتاجيه الفدان"، بدل ما نزرع قطن وأرز وقمح وذرة، بنجيب دخل الفدان من القطن زائد كذا؛ فبهذا فعلا يعنى بنرفع انتاجيه الأرض الاقتصادية، اللي مش حانقدر نزودها بعد كده.

أبو النور: وبالنسبة للأرض الجديدة.. بيقوا أريح بقه؛ لأن الأرض الجديدة لازم تنزرع برسيم علشان يحسن التربة بتاعتها أساسا، فتبقى العمليه تجيب انتاج أريح كثير جدا عن إنها تنزرع أى حاجه أخرى.

عامر: أنا كنت طلبت زمان من هيئه تعمير الصحارى، يقلبوا الألفين فدان بتوع وادى النظرون يخلوهم مراعى ويستوردوا أبقار وحاجات زى دى.. ماعرفش، إنما قلت لهم: كلها بلاش المحاصيل دى اللي بتعملوها؛ لأن ماعرفش..

سرى للغاية

أبو النور: فيه جزء ماشى.

عامر: عملوا حاجة بسيطة، لكن أنا قلت لهم يقبلوها كلها فى العملية اللى إحنا ماشيين فيها دى.

أبو النور: فيه جزء ماشى ١٥٠٠ فدان.

عامر: لأن هى تصلح لزراعة الأرز.

عبد الناصر: طيب تناقش الموضوع ده تانى بعد شهر؟

عامر: آه.. بعد شهر.

عبد الناصر: كفاية شهر.

عامر: لا.. كفاية شهر.. إن شاء الله نكون جنبنا محصول كبير، إحنا دلوقتى فى أواخر يناير يبقى أوائل مارس.

أبو النور: أجيب لسيادتك الأخوان دول و نتكلم معاهم فى..

عامر: آه.. حانتفق على المجاميع ونشوف الأسماء و ننظم، بس أنظم حسب الاجتماعات اللى عندنا.. ننسقها مع بعضها ونجهز، بس هات لى خرائط.

أبو النور: حاجيبها لسيادتك كلها.. هى موجودة.

عبد الناصر: نؤجل الموضوع الثانى للجلسة الجاية؟

سليمان: أيوه.

عبد الناصر: مش مستعجل هو أصله.. اللى اتكلمت معايا فيه.

سرى للغاية

سليمان: لا.. مش مستعجل، بس .. وزير الرى الروسى كان عايزه.

عبد الناصر: آه.. ده ماشى إمتى؟

سليمان: ماشى يوم ٢٨ .

عبد الناصر: لسه بدرى .